

研經室集一〇





擘經室集

一〇

阮元著



中華書局





# 擘經室四集目錄

## 卷一

御試擬臺衡大象賦

御試一目羅賦

擬潘安仁射雉賦

系輿賦

薔薇賦

赤壁賦

賜御筆熱河名墨刻卷恭謝摺子乾隆

賜御筆筆誤識過墨刻卷恭謝摺子乾隆

恩授經筵講官恭謝摺子以下皆嘉慶

賜御製邪教說墨刻摺子

京察議敘恭謝摺子



賜御書福字恭謝摺子

奉勅進經籍纂詁摺子

賜御製養心殿記墨刻恭謝摺子

賜御製原教三篇墨刻恭謝摺子

卷二

重修高密鄭公祠碑

重修會稽大禹陵廟碑

重修揚州會館碑銘

蘭亭秋禊詩序

謝蘇潭詠史詩序

四六叢話序

葉氏廬墓詩文卷序

歷山銘

注曾子研銘



落日餘霞研銘

白圭詩館研銘

水師正威大銅礮銘

官齋精舍銘

寶酥鐘銘

刻扇鐘銘

警鐘銘

古蘇鐘銘

揚州隋文選樓銘

南宋尤本文選卷首畫象銘

西瑯阿侍御摹坡公笠屐圖贊

方維祺太守以我觀我圖贊

桂林隱山銘

宋硯銘



雲經室四集 目錄

端溪璞石硯銘

粵溪茶坑天然大硯銘

茶坑硯山銘

端溪老岩研山銘

西齋銘

乾隆癸丑仲冬上丁祭曲阜孔廟文

祭天目山神文



# 掣經室四集卷一

御試擬張衡天象賦

以奉三無以齊七政爲韻。大考驗詹一等第一名。

惟圓象之昭回。建北極以環拱。擬磨旋以西行。儼笠冒而中擁。陽乘健以爲剛。氣幹機而非重。分五宮以各正。圍列宿而高聳。既承天以時行。亦後天而時奉。昔虞廷之治象。命羲和以互參。仰璿璣以分測。廓四儀而內涵。惟周髀與宣夜。合渾天而爲三。溯洛下之善製。亦鮮于之極詣。地平準而天樞倚。黃道中而赤道南。惟中陸之相距。廿四度以相含。割渾圓爲象限。分弧角於輿堪。歸隸首之實算。斥鄒衍之虛談。原夫日周天步。月麗天衢。日一度而若退。月十三度而愈紆。分十一以合朔。乃會躔以同符。冬起牽牛之次。夏極東井之區。秋遇壽星之位。春在降婁之隅。惟九行之出入。亦四道之殊途。攷日至之圭景。尺五寸而不逾。分高卑於遠邇。測里差之各殊。月令遲于小正。夏時合于唐虞。驗中星之遞徙。又知歲差之不可無。至若別五星于五天。錯經緯於日晷。金一年而周天。丑未終而寅戌始。水周天以同金。井絡終而降婁起。歲周年以十二。爲衆星之綱紀。四仲則三宿已遷。孟季則二宿非邇。火二年而一周。入太微而分紫。七周歲以廿八。將彌月而度乃徙。旋七政以同天。能左右之曰以。列宿廿八。正自重黎。指以招搖。正以攝提。惟角亢之七宿。升蒼龍而上躋。正天門與衡杵。有角首之杓攜。虛女殷乎北位。爲子丑之端倪。鶉火殷乎南紀。

當三台而光齊。胃昂畢之七宿。合首尾於參奎。占伐旗與溝瀆。象白虎於其西。分野占星。斗耀惟七。機青樞翼分其區。魁雍衡荆異其術。四輔連乎理樞。陰德近乎太乙。內階映文昌之宮。衛尉對承弼之秩。帝座御而華蓋高。閣道啓而勾陳出。王良卻而造父馳。柱史明而開陽吉。斜漢絡乎天半。夏案戶而光實。其隸垣外而居南極者。亦縷數之不能悉。事天以敬。治象以正。三光宣精。四時爲柄。圓而動者。施其德。高且明者。布其令。奉三無私者。惟君。建五有極者。惟聖。屏靈曜于緯書。撰靈憲以互證。是以黃帝制峯以推策。有虞撫衡而齊政。惟有道者。萬年協清寧而衍慶。

御試一目羅賦 以題爲韻。故館一名。

羅因鳥而始張。鳥以目而罔逸。羅惟取其周遮。目非貴于專壹。極之初聽。夫丁丁舉焉。乃觀其乙乙。多爲之備。得之在少。而不在多。密爲之防。獲之在疎。而不在密。然而偏于少。則綿綿未成。惑于疎。則恢恢反失。觀離忘作罟之方。掌禮昧張弧之術。豈纖千絲之網。以一統千。如祝一而之羅。解三留一。原夫爲罟爲疊。曰羅曰罟。或成掩畢之箕。或作翻車之軸。雉何事而離學。鴻何爲而漸陸。理密文連。絲交花簇。隙漏相承。玲瓏互複。本一緯而一經。乃或衡而或縮。兔有蹄兮不忘。繭爲綸而非獨。至于綱舉目張。網開鳥覆。逸翮莫翔。修翎已蹙。故結羅者。必有四維。而得鳥者。惟憑一目。此亦如百囊魚罟。非九罟皆罟。鮮鱗七屬。犀函惟一札。或當金鐵也。若乃經連極寡。繩結無多。非連罟之組織。異數罟之搓抄。人惟一孔之智。制非四寸。

之過。空成方面彷彿。縵爲橢其若何。若兩縠虛設于綱侯。莫加采鵲。若單緯初施于機軸。未擲金梭。結比繩樞。竟一櫺之徒具。張如纏瑟。何一弦之可歌。蓋集目成羅。惟一羅乃收衆目。而分羅得目。非一目可抵全羅。是以空爲結網之求。繆作臨淵之慕。豈虛張而冀其自投。抑徒設而思其偶遇。編一絲以爲罽。欲求翡翠之毛。鍊寸鐵以成罽。願挂珊瑚之樹。正恐魚緣木上。未識其難。烏菴蔕中。罕知其誤。我皇上道挈乾綱。網開賢路。綸綍宣而人仰。璣衡條理密而世欽。法度廣搜羅于四海。未嘗或有遺材。析節目于萬幾。安得紀其成數。張烏羅以有待。豈同文子之書。加一目以何爲。無取正平之賦。

擬潘安仁射雉賦

館中作

挾良弧以游騁兮。從文翰之原禽。睇飛翬於高隴兮。聽鸛鳴于平林。思逐羽而捷獲兮。矚雄技以愉心。伊茲禽之英麗。備采藻于修翎。秉離象而耀爛。應璣衡之星精。賦鶴鷺之殊質。審鸛鳴之異聲。性專棲以驕處。雄護界其必爭。爾乃秋草乍衰。枯桑競落。驚沙暮飛。晨霜猶薄。凜寒色於垌野。燎宿莽于旣穫。始奔羣以迅竄。勢將集而更躍。稟肅氣以耿介。勵狡力而虛躡。畫地開場。度阡分壤。盤馬獨出。奮臂右攘。始擊殺而求穴。繼蹶衝而直上。關淵蕭以擬脰。弦激括而成響。頓驚盼以值鋒。墜錦毛于十丈。若乃黃泉潛沸。微陽肇回。山明積雪。地伏鳴雷。感震聲而始雛。勾采頸以羣來。交斑臆之離襠。振繡翼之陪鰓。紫間滌操。黃肩巧控。機商偏正。手權輕重。意決一發。疊雙必中。重翻同摧。兩膺並洞。及其熙熙春陽。陶陶孟夏。菱垂發



以迎秋。泉度剛而微瀉。恐宴園之失禽。瞻晨星而夙駕。登崇邱以周覽。揆懸刀以調翰。雖呼□之驟應。猶猜狷而盤桓。曳黼繪于袞背。峙頰赫之赤冠。步疎趾而彳亍。舒藻翼之爛熳。顧影聳角。驚聲睽視。斂翻善藏。掉首未起。不穎駭動。尙露脩尾。俯青晴而低瞰。殼銛鏑以下擬。乍仰臆而戛鳴。已決背而裂鬣。若夫大夫既安。未聞笑言。如臬親御。輕馳鶴軒。巨黍鳴兮飛鏃。雉子獲兮摧斑。藉一矢以嘗巧。解三年之鋼顏。又若瑯琊舊族。近徙茂陵。春田設翳。曉壘分棚。筠箱馴翼。茅障隱增。舉巾誘媒。發音清激。挾兩紛至。或籬或翟。羣調狎而擾嫻。復怒妬而跳擢。悍屏息以勵銑。窺寶鑕而命的。至如南皮輕騎。江表貴游。輪輿微動。絃蓋平流。矯白羽以振筭。準翠顙以點眸。終撤翳而從諫。又何論夫焚裘懿彼名輦。雉桀見戕。嶽嶽避株。紛紛采囊。縱入秦而化石。慮歸楚而誤皇。孰若折榦破樊。咏飲壇場。所以嗅季氏之供具。嘆時哉于山梁。

炙輠賦

以炙輠中膏其流無盡爲韻翰林館課

爰有稷下辨才。齊中贅客。轉異爲同。變黑成白。邁談天之驕。過雕龍之唳。味非大道膏腴。傾出羣言瀝液。周迴無轆。妙於轉圓。氣饒可凌。甚於親炙。粵有物焉。命之曰輠。擊堅無傷。形圓非楸。滑膏內盛。堅金外裹。史言貫轂。法轉不在丁凝。詩詠載脂。接軸何傷。轉軻守以緩火。乃滲漉而徐流。持近洪鑪。亦淋漓而競墮。若夫便給極捷。滑稽無窮。苟有談而必劇。亦無辨之不雄。何嘗艾艾期期。語燥唇吻之際。試聽幡幡截截。慧流齒牙之中。突梯絜櫬。無辭或滯。涕唾流沫。有說皆融。嘗之炙輠。匪欲屯膏。快流轉於輶羣。賈沃澤以

淳熬。如蘭缸。初焚。暗斟。燈炷。似杏醪。既盡。小滴銀槽。談折子成。駟難及舌。論殊莊叟。輪反爲尻。其始也批。卻導款。其繼也。分理析肌。挈瓶之智不盡。恥壘之聲何時。非瓊異黃流。難吟瑟彼。異壺中冰潔。莫賦溫其。脂韋之行可通。豈如不食之鼎。天倪之言日出。乃同無當之卮。方其過稷門。坐徂邱。折賓客。抗諸侯。垣車悉納。井轄初投。火守輟而炎炎。既熾。脂得火而涎涎。始流出之愈多。如飲二斗而賜餘瀝。揮之不竭。若操一孟而得滿筲。所以世驚非馬。人用虛車。以非爲是。強有爲無。守口如瓶。言何相反。炙手可熱。事究何如。杖亦足以關輪。智嗤武叔。黍何須乎量數。拙笑輪輿。然而金遭口鑠。不窮者必窮。釜共舌焦。無盡者終盡。雖爲齊人所傳。實爲吾儒所哂。宣王之世。辨客聯鑣。戰國以還。俳優接軫。棘軸豨膏爲滑也。忌子之遇合堪羞。方枘圓鑿能入乎。孟氏之高風不隕。

薔薇賦

籊余舟於漢皋。兮策余馬于荆山。當季春之佳令兮。敷衆芳於林巒。有薔薇之嘉卉兮。施修條于樹端。紛樸椒而蔭翳兮。亦叢灌而交攢。或孤植于石罅。或隱被於柴關。或偃日而如蓋。或圍圃而作樊。謝人力之培植。遠樵斧而不刪。茁瓊蘂而葳蕤。綴白華之檀欒。香芬烈以盈路。散春風而未殘。欲折枝以相貽。箴刺手而莫攀。雖奇馨之襲人。羌服媚而靡艱。絕膠木之求思。如漢女之貞閒。鄙無臭于棠梨。斥淹冶于牡丹。色皓皓其白雪。驕陽春而不寒。疑剖割其下璞。琢玉英而爲顰。抑神女之弄珠。結百琲之珊瑚。昔筵路之

初啓。豈斯木之盡刊。何靈均之多頌。惟紉佩于芷蘭。斯楚騷之所遺。爰摘詞而永歎。

赤壁賦

丁丑之春。余從鄴下移節武昌。復以簡兵之行。溯襄鄖。驛驛。操舟師。下荊州。乘風東歸。過所謂赤壁者。慨然歎曰。余所經之地。古皆篡竊於曹公。維彼亂世。實生奸雄。攬茲陳迹。不知感慨之何從也。斯壁也。抗洞庭之北。據監利之東。衆山凝碧。絕壁留紅。春江曉開。殘月落弓。戈船偃旗。軍埃靜烽。天下治平。舟楫盡通。東吳西蜀。往來憧憧。溯建安之挾令。出南郡以興戎。攘江陵之軍實。秣北馬于洛宮。舍彼精騎。泛此艤艫。波濤之性不習。檣櫓之用未工。斯不待吳廷斫案。已先決其無功。況夫公瑾用智。孔明效忠。公覆贊助。載荻蒙衝。淮夏口以西拒。當烏林而礪鋒。憑沙羨以自守。射連艦而進攻。破江天之寒色。縱一炬以橫空。起鳴雷於萬鼓。扇巽女于殘冬。付舳艫于謔出。化猿鶴與沙蟲。幾于林鳥焚巢。臺雀墜銅。折鼎一足。當塗路窮。笑江波而迴指。乃僅免于華容。余固曰。非赤壁而亦敗。矧天假以東風。余今出荆門。回郢中。順江水以安流。乘長風之颯颯。撻孟甄而校武。修隄防而劭農。擬蘇子于黃州。乃情地之不同。毋徒傷于古人之故壘。惟嗚然于江上之青峯。

賜御筆熱河考墨刻卷恭謝摺子

乾隆

欽惟我皇上學海探源地符開遠德誠法祖那居駐灤水之陽功在信天拓地極崑山以外道元之標鍾

石未如登齊老之峯。茅溝之會湯泉。似僅見蒲昌之海。昔著考而濡流已判。今加識而河曲愈明。<sup>臣</sup>伏思濡水久訛。河源彌遠。舜禹之世。略在西荒。漢唐以來。陷于絕國。惟我皇上。削平四部落。休養卅餘年。金河百道。何異山莊武列之川。禹貢一篇。未似御製河源之考。蓋能通二萬里未通之地。故得決四千年未決之疑。且以漢使之行。久羈西域。明修之志。徒首南音。持節者未必身親。操筆者徒知耳食。豈如今一介之使。逕達真源。九譯之言。胥歸聰聽。此又因武德之無遠弗届。故拓地而及天池。文學之無所不精。故審音而刊元史。紀略既修以後。宇內雖有專書。熱河作考在前。卷中必須題識。真珉繼勒。初分筆彩于華箋。翠帙頻頒。更仰恩光于墨寶。所有<sup>臣</sup>感激微忱。謹繕摺恭謝天恩。伏乞睿鑒。謹奏。

賜御筆筆誤識過墨刻卷恭謝摺子

乾隆

欽惟我皇上典考唐虞道積今古。萬幾咸理。事皆親御丹豪。半字偶殊。文乃特鐫翠墨。昔知過以著論。聖人之言已滿堂。茲識過以摘辭。周武之銘仍在筆。<sup>臣</sup>竊思天行至健。有過度之餘差。地關无疆。見殊途之歸轍。見爲誤實爲無誤之驗。識爲過豈有或過之時。況乎考道德於百王。時以積而成古。聚典謨於千古。事因積乃可稽。稽之訓同。見堯典康成之注。積之爲義。詳荀卿勸學之篇。因異而轉以見同。是二而還知爲一。辭文旨遠。知聖論之無不包容。氣盛理明。讀奎章而彌深悅服。所有<sup>臣</sup>感激微忱。合繕摺恭謝天恩。伏乞睿鑒。謹奉硃批非徒頌卽規。

恩授經筵講官恭謝摺子

以下皆嘉慶

本月初四日翰林院以經筵講官缺請旨奉御筆圈出臣阮元臣竊業荒書府學愧經畝嘉漢宋之儒先景行未至求師承於傳注家法鮮通自問幼年本蓬戶桑樞之子敢縈夢想爲經帷講幄之臣茲奉恩綸得叨清秩榮幸之下感悚交并欽惟皇上本孝爲經闡開宗於東魯體仁出治補衍義於西山圓雍舉稱制之文東殿崇說書之禮以臣淺陋豈贊高深臣惟有勉勵儒修益勤經業緝書虎觀敬陳抑戒之威儀珥筆螭坳願識邇英之義理所有臣感激微忱謹繕摺恭謝天恩伏乞睿鑒謹奏

賜御製邪教說墨刻摺子

臣竊接奉恩賞御製邪教說墨刻一分隨恭設香案叩頭祇領伏讀之下仰見我皇上體大地以立心統智愚而在宥欲迪民以正道用特賁夫宸章惟此至誠惻怛之懷見于剴切申明之際苟不盜兵皆爲赤子若徒佞佛何咎白蓮督兵者知叛道之必殲牧民者知正教之當植所消弭者何限所保全者實多行見武偃西川烽消南楚官知廉法民習敦龐荷重熙累洽之休服田疇而食舊德凜保泰持盈之訓端趨向以迓新恩舉太平億兆之衆生成而教育之靡不在聖明指示中矣臣曷勝欽服欣感之至謹繕摺恭謝天恩伏乞皇上睿鑒謹奏

京察議敘恭謝摺子

竊<sup>臣</sup>接閱邸抄恭遇京察大典欽奉上諭浙江巡撫阮元有守有爲清儉持躬着交部議敘欽此<sup>臣</sup>隨恭設香案望闕叩頭謝恩訖伏念<sup>臣</sup>學淺才庸備邀恩遇更蒙簡畀重寄封疆任事以來心長力絀不克于吏治民生有所補裨以仰報天恩萬分之一撫衷循省漸極汗流茲以考績屆期荷蒙天語褒嘉予以甄敘實屬<sup>臣</sup>夢想所不到聞命之下榮感既切悚惕彌增嗣後惟有恪遵聖訓清儉永持守爲交勉倍殫心力益凜冰淵以期仰副皇上鼓勵裁成之至意于萬一爲此恭摺具奏叩謝天恩伏乞皇上睿察謹奏

賜御書福字恭謝摺子

本年正月十六日賡摺差弁回浙奉到御賜福字并批諭云親書福字賜卿願兩浙士民同霑厚福欽此<sup>臣</sup>當即出郊跪迎至署望闕叩頭祇領訖伏念<sup>臣</sup>一介寒微仰蒙聖主殊眷簡任封圻在浙年餘每思造福于士民而材性淺薄時懷愧勉茲荷宸章親洒溫諭下頒<sup>臣</sup>奉到之辰正值盼雨之候未幾六花獻瑞徧積<sup>臣</sup>田遠近士民莫不懽忻鼓舞用知至誠動念立能感召天庥<sup>臣</sup>感激之餘倍深敬凜惟有永遵聖訓堅守初心整飭官方培養元氣務俾士安弦誦民慶盈凝以期仰答皇上高厚鴻慈于萬一爲此恭摺叩謝天恩伏乞皇上睿察謹奏

福謹案是摺乃嘉慶六年是年十二月二十七日家大人又奉御賜福字一幅福以是日生子節署故命名福字賜卿敬識天語戴國恩也

奉勅進經籍纂詁摺子

奏爲恭進經籍纂詁仰祈聖鑒事。<sub>臣</sub>於七月初十日。面奉諭旨。命<sub>臣</sub>將所撰經籍纂詁呈進。<sub>臣</sub>謹裝潢成冊。恭呈御覽。欽維我皇上道蘊符珍。光垂圖冊。辰居念典。論繹羣經。乙夜觀書。詠成全史。兼聖作與明述。煥乎文章。維稽古曰同天。式於詁訓。精一執中之學。誠協言詮。經天緯地爲文。允符德業。固已甄陶神海。并括典謨。猶復詢及芻蕘。不遺葑菲。式仰聖衷之冲穆。蠲蕩難名。益徵帝學之高深。涓埃莫贊。<sub>臣</sub>見同窺管。識等扣槃。曾簪朵殿之毫。夙被洪鈞之鑄。前以督學之日。撰茲纂詁之編。育才首在通經。奉聖人之至教。博古務求載籍。誦前哲之雅言。依韻類文。統長言短言而並錄。卽字審義。合本訓轉訓而俱收。爰集多士以分程。乃勒十函爲一部。屢經校勘。尙有舛譌。亦事補苴。不無罣漏。是以梨鐫甫就。僅留爲家塾之藏。雖復葵響維殷。未敢作帝庭之獻。迺蒙召對。猥荷垂詢。諭令進呈。幾餘賜覽。<sub>臣</sub>跪聆之下。感悚交并。謹奉綿函。敬呈黼座。五經之文爲道本。秉睿裁而期惠於藝林。六籍之義以詁通。舉下學而幸歸於天鑒。<sub>臣</sub>謹繕摺并書十套進呈。伏祈皇上睿鑒。謹奏。

賜御製養心殿記墨刻恭謝摺子

竊<sub>臣</sub>標提塘賫捧到恩賞御製養心殿記墨刻一分。<sub>臣</sub>當卽出郊跪迎至署。恭設香案。望闕叩頭謝恩。祇領訖。欽惟我皇上道統傳心。聖功養正。法宮建極。會皇極之大中。溫室修和。涵太和之元氣。固已九重敬



德四表同仁矣。乃猶瞻雲縷而念先謨。見義牆而衍心法。本堯舜禹湯諸聖而得所養。闡中正仁和四字而單厥心。御衆殿以正繁微。撰記文而頒翠墨。臣惟中者所以定不偏不倚之規。正者所以示無反無側之準。惟本仁以出治。則克己復禮而天下歸。惟致和以化民。斯保泰調元而天命永。奎章在殿。久以列聖之心爲心。天藻摛文。卽以一心之養爲養。善之至矣。無能名焉。抑臣更有進者。是惟皇上心同道同。備中正仁和之德。因之心正筆正。成中正仁和之文。昔韓柳雄辭。猶有心於排棄。歐蘇健筆。亦肆力於揣摩。今讀記文六百言。銘詞十六韻。蘊廣大精微之志。宣和平雅正之音。不使氣而氣自醇。不矜才而才愈大。蓋上本乎羣經正史。乃下軼乎諸子百家。臣學切觀摩。識兩巍煥。共瞻睿製。正文體卽正心源。衆拱辰居。養一心以養四海。所有臣欽服欣感下忱。謹繕摺叩謝天恩。伏乞皇上睿鑒。謹奉硃批。頗不忘規。立言有體。

賜御製原教三篇墨刻恭謝摺子

臣竊齋摺差弁回淮。捧到恩賞御製原教等篇墨刻二冊。又三卷到。臣當卽出郊跪迎至署。恭設香案。望闕叩頭謝恩。祇領恭誦。欽惟我皇上仁符昊眷。誠格天心。當禁垣竊發之時。雷雨顯彰。夫助順。逮勅旅征之日。機槍淨掃。夫餘氛。固已畿輔奠安。震區聞喜矣。茲輯九月以來訓諭之旨。申警之文。覺勒貞珉。普頒翠帙。臣欽承恩賜。敬繹綸言。原正教以黜邪。則經正民興之道也。行實政以教忠。則知人安民之德也。有堯舜咨儆之思。而盡心竭力。仰答天恩之訓。著有禹湯修省之德。而遇變罪己。酌減慶典之詔。頒至於

澄敍官方。修明武備。戒貪墨以厚民業。警叢慝以亮天工。不惜丁凝反覆以求詳。固由疾痛顛連之在抱。<sup>臣</sup>惟漢唐以後。類多變端。或失馭於強藩。或寄權於重鎮。或饑饉之太甚。或邊釁之多開。揆其致事之由。究因失德之故。今借卦教而造逆。本非失業無所賴之民。突禁地以肆邪。出乎人情不及料之外。聖心之慈祥愷惻。本共白於臣民。聖德之正大光明。亦無慚於史冊。皇上乃以返躬之誠。爲昭事之本。哀無罪則推原於教化之未至。訓有位則引咎於人政之未宜。苟有心知。能無感泣。雖至頑鈍。亦當奮興。<sup>臣</sup>敢不滌慮澡神。竭謀致力。盡當爲之職事。戒積習之因循。冀蒼高深。稍寬尸素。所有<sup>臣</sup>凜遵感悚下忱。謹繕摺具奏。叩謝天恩。伏乞皇上睿鑒。謹奏。

賜御書福字恭謝摺子 戊寅

竊<sup>臣</sup>齋摺差弁回粵。捧到恩賞御書福字。鹿肉麋肉山雞一分。並奉硃批書福錫卿。以迓春喜。欽此。當卽恭設香案。望闕叩頭祇領訖。伏念<sup>臣</sup>渥邀厚植。忝任連圻。驚陞瞻顏。憶趨承於隔歲。羊城移節。愧報稱於高天。值茲改歲之初。倍切玩時之警。迺荷奎章親御。溫諭特頒。既普錫以春禧。復寵分夫珍饌。斂時敷錫。聖主以福<sup>臣</sup>者。福民。宣化承流。<sup>微臣</sup>敢不以迓恩者迓喜。<sup>臣</sup>惟有勤思綏靖。推洪福於兩粵。東亞敬體柔懷。布天福於重洋。內外冀佐盛隆之治。稍寬尸素之譏。所有感激欣幸下忱。理合恭摺具奏。叩謝天恩。伏乞皇上睿鑒。謹奏。

## 擘經室四集卷二

### 重修高密鄭公祠碑

元嘗博綜遺經。仰述往哲。行藏契乎孔顏。微言紹乎游夏。則漢大司農高密鄭公其人矣。公當炎祚陵夷。清流沈錮。泊然抱道。遂情墳典。卻謝車服。隱德彌修。所學易書詩禮春秋論語孝經箋注百餘萬言。石渠會議。無以逮其詳貫。扶風教授。不足擬其旨趣。又嘗比核算數甄極絃緯。兩京學術。用集大成。天下師法。久而彌篤。固不以齊魯域焉。今皇帝惇崇儒術。表章經學。纂定三禮義疏。多采鄭說。是以海內學人。翕然依嚮。言性天道。無敢騁其虛悟。禮度書文。靡不通其原本。庶幾孔壁簡策。得以訓言。儒生耳目。未傷瞽瞍。被公之教。斯爲至矣。公墓祠在高密縣西北濰水東岸。四牡結轡于鄭公之鄉。高車並軌于通德之門。是北海太守孔文舉所開建也。元以視學蒞止斯土。展省祠墓。圯隄實甚。宰木不捍于樵采。驚沙坐見其飛積。趙商漢碑。未傳於著錄。承節墓碣。埋蝕于泥土。遂乃倡搢紳之夙願。鳩木石之工材。始于乾隆五十九年冬十月。至六十年秋八月成。掘沙百尺。門防易以東向。植樹四垣。饗堂翼其南榮。聽事啓楹。則長吏齋祀所止息也。茅廬栖畎。則賢裔耕讀使蠲除也。復將擢彼秀異。用請于朝。以奉登俎。世世勿絕。庶使大儒之祀。不致忽諸之歎。治經之士。無歎仰止之懷。居斯鄉者。績學砥行。感憤而起。不益偉與。爰樹樂石。表德

刊銘其辭曰。

秦饒威經。漢學證聖。於鑠鄭公。禮堂寫定。網括衆典。束修懿行。學徒知歸。異說反正。子雍多毀。仲翔善諍。日月豈踰。藐彼敏政。礪阜之旁。漉流湯湯。草銜有帶。沙走無囊。林薄新雉。蔭彼墜牆。廟貌聿崇。祀事孔明。長白之嶺。別啓嚳堂。粵惟茲土。司農之鄉。

重修會稽大禹陵廟碑

粵昔五德代興。紀號天中。二典遞禪。立都西北。惟神禹之陟降。皆在江水。治水之終始。皆在會稽。何者。履己西夷。生意莛于石紐。江之原也。憂民東教。封葛桐于會計。江之委也。若夫黃帝中經所載。宛委覆釜所藏。登臨夢發。金簡玉琢出焉。灑沈澹災。底定者千八百國。其始通水之理。實在會稽。至于會諸侯。詔羣神。誅後至者。而大計其功。鰲踦已甚。絞緘猶薄。迄于今參耕之畝。宛然非古之上。鰲歟。然則月逾庚子。年加申酉。亦終乎此矣。或謂九州修貢。山川成書。會稽主名。不箸于冊。然三江分派。以浙水爲南支。萬里岷流。指山陰爲歸宿。古今遷異。俗儒駭之。是知胼胝勞蹟。必登茅山之巔。成旅中興。實存大越之祀也。吳越春秋。謂少康封庶子無余於越。春秋祠禹。墓於會稽。漢書地理志。會稽山有禹井禹祠。是故陵之有廟。其來已古。我朝列聖相承。續舊績以平水土。東南江海間。幾勞太僕之駕焉。今嘉慶歲星次庚申。聖天子孝祀配天。望辯維謹。乃修階壇。勤丹牘。用承祀事。巡撫阮元來拜廟下。以考其成。巖壑盤鬱。江海深阻。維茲廟

貌巍然鎮之。燭精玉帛。如來百神之朝。馳慕風雲。或降二龍之駕。郁郁乎。蒼水探穴于其初。元圭填德於其既。周夏后氏神聖之所發藏。亦吾聖天子之所以稽古帝報功德也。爰作頌詩。銘諸樂石。其辭曰。

浙爲南江。地臨越絕。青泥藏書。白雲出穴。陵者葬陵。跡留標櫨。農不變徙。樹不改列。厥有原廟。肇祀少康。山川風雨。日月陰陽。階扶窆石。棟抗梅梁。聿新世室。載啓元堂。昂星孕珠。舍山輯玉。截冕天容。龍蛇古屋。伯益奉經。庚辰侍輦。封並蒼梧。廟同嶽麓。龍飛五載。障淮塞河。錢塘捷石。海無驚波。新廟奕奕。南鎮峨峨。神功聖德。今古若何。馬祠遺法。烏田修祀。壽享金鼎。符探玉笥。漸海訖聲。登山刻字。被碑以文。載之最屬。重修揚州會館碑銘。

京師宣武門外揚州會館。始建於乾隆初年。汪君從晉。出白金四千。金君門詔。益金而成之者也。其事詳於舊碑。六十年來。頽壞日甚。雖屢有修葺。而莫能新之。和會堂。聯星堂。地勢甚卑。鄰水來侵。夏不能居。牆圯柱傾。公車罕至。嘉慶元年。鄭君宗彝。官吏部郎。請於其叔鄭君鑑元。得白金四千。鮑君志道。張君緒增。黃君楫。又各出白金一千。乃合貲重修之。和會堂。聯星堂。暨東西箱。築基增高三尺許。治其井。匿水有所歸。第三四兩院。以次修立。復建閣于聯星堂之東。以祀神位焉。先是屢欲修而未成。今嘉慶四年歲次己未。乃集事。讀舊碑。乃知創修者。前己未歲也。殆亦有數存其閒乎。工既成。乃築石紀名。兼載圖事。俾後之人。知今義舉之盛。必將有踵而行者。使舊基無廢。新構益增也。勒以銘曰。

江淮合域，牛斗垂躔。靈秀隩區，人文出焉。饒饒人文，濟濟甲第。魏闕聯班，春明並騎。斯館肇修，己未之春。輪奐並美，桑梓同鄰。堂開和會，門接宣武。公車之來，於時處處。歲深垣圯，莫芋莫疑。瓦塵積草，庭潦生萍。又六十年，歲周己未。惟我鄉人，興廢舉墜，乃構其堂。乃高其基，庖湑井廡，具無不宜。嘉樹可譽，甘棠勿拜。藤垂紫綬，藥翻金帶。禮神之閑，峙於其東。文昌下照，其光熊熊。孟夏之朔，星珠聯瑞。鳩工庀材，適當其會。維我廣陵，運會日昌。元甲天下，解領江鄉。是科文武解元會元探花皆出揚州作此銘詞，以葉樂石。後有繼者，永永無極。

蘭亭秋禊詩序

在昔典午中移，啓江東之雲岫。瑯邪南徙，持吳會之風流。山林之祕競呈，觴詠之情咸盛。雖悟老易之愴，猶切彭殤之悲。豈非神州不復，易興陸沈之歎。中年已往，莫釋哀樂之懷。鍾情既深，發筆斯暢。是以林表孤亭，結山陰之幽契。定武片石，傳永和之逸軌矣。元以嘉慶二年八月上巳，按部於越。嘉賓在坐，簿領既徹。游情共馳，再揚曲水之波。展脩秋禊之禮，浴沂湖典。本無間于春風，采蘭賦詩實有異于溱水。是時清風未戒，白雲乍晴。幽谷屢轉，重山爭峻。發崇岩之桂氣，起秀麓之松嵐。迴谿接步，緬陳迹于古人。爽籟入懷，屬高情于天表。夫倦心既往者，撫韶景而亦悲。撰志詠歸者，臨蕭節而彌適。況今朝野殷闐，敬修名教。吾輩遊歷，皆在壯年。白駒未繫，動空谷之雕輪。旅雁羣飛，集江湖之素羽。振翰無采，雖愧元長之才。侍宴承恩，曾效廣微之對。良會已洽，清吟紛來。內錄賓客戚黨之詩，外納僚屬生徒所詠。凡有作者，皆著于篇。

### 謝蘇潭詠史詩序

在昔詠史之作，肇於仲宣太沖，然皆綜覽興衰，論列流品，五言成製，風已古矣。自宣遠矢音於留國，延年託詠於秋胡，篇什所陳，乃有專屬三良致哀，五君興感，異情同調，分合又殊。有唐一代詠史七言，惟周曇孫元晏積數十百首，然皆斷句，罕見律篇。未有上下一千六百四載，臚敘五百二十六人，揚清風以作誦，激濁流而成諷，如蘇潭先生之以律詠史者也。先生擢穎詞垣，囊筆史局，講幄內直，方岳西分，政簡益清，才優多暇。嘉慶二年，移治兩浙，以詩示元，元出按瑟恬南極永嘉，山水方滋，芳草未歇，每手茲編，情賞逾美，觀其錯綜紀傳，點竄贊評，鎔儷事於鑪錘，飾高情以斧藻，聞見殫洽，故所用者宏，衡量均平，故其論可定。古今成敗，燦然畢覩，君子於此，得經世之大端焉。若夫負聲振采，並擬唐賢，子美之慷慨沈雄，玉谿之縝密工麗，發鼓吹於唐音，扶瀛奎之律髓，七言能事，咸備於斯。又其取材富博，正史之外，雜篇小說，凡數百家，昭明之選舉在樓，溫公之草藁盈屋，安得李善胡三省之徒，爲此五百章疏證之哉。

### 四六叢話序

昔考工有言，青與赤謂之文，赤與白謂之章，良以言必有借，事歸鏤繪，天經錯以地緯，陰偶繼以陽奇，故虞廷采色，臣鄰施其環火，文王壽考，詩人美其追琢，以質雜文，尚曰彬彬，以文被質，乃稱饒毓，文之與質，從可分矣。懿夫，人文大著，肇始六經，典墳邱索，無非體要之辭，禮樂詩書，悉著立誠之訓，商瞿觀象於文，



言邱明振藻於簡策莫不訓辭爾雅音韻相諧至於命成潤色禮舉多文仰止尼山益知宗旨使其文章正體質實無華是大羊虎豹反追棘子之談黼黻青黃見斥莊生之論矣周末諸子奮興百家並驚老莊傳清淨之旨孟荀析善惡之端商韓刑名呂劉雜體若斯之類派別子家所謂以立意爲宗不以能文爲本者也至於縱橫極於戰國春秋紀於楚漢馬班創體陳范希蹤是爲史家重於序事所謂傳之簡牘而事異篇章者也夫以子若彼以史若此方之篇翰實有不同是惟楚國多才靈均特起賦繼孫卿之後詞開宋玉之先隱耀深華驚采絕豔故聖經賢傳六藝於此分途文苑詞林萬世咸歸園範矣賈生枚叔並轡漢初相如子雲聯鑣西蜀中興以後文雅尤多孟堅季長之倫平子敬通之輩綜兩京文賦諸家莫不洞穴經史鑽研六書耀采騰文駢音麗字故雕蟲繡輶擬經者雖改修塗月露風雲變本者妄執笑柄也建安七子才調盡興一祖陳王亦儲盛藻握徑寸之靈珠享千金於荆玉至於三張二陸太冲景純之徒派雖弱於當塗音尙聞夫正始焉文通希範並具才思彥升休文肇開聲韻輕重之和擬諸金石短長之節難以咸韶蓋時會使然故元音盡泄也孝穆振采於江南子山遷聲於河北昭明勅選六代範此規模彥和著書千古傳茲科律迄於陳隋極傷靡敝天監大業之閒亦斯文升降之會哉唐初四傑並駕一時式江薛之聲音追庾徐之健筆若夫燕許之宏裁常楊之巨製會昌一品之集元白長慶之編莫不並揆龍文聯登鳳閣至於宣公翰苑之集篤摯曲暢國事賴之又加一等矣義山飛卿以繁縟相高柯古昭諫

以新博領異。駢儷之文。斯稱極致。趙宋初造。鼎臣大年。猶沿唐舊。歐蘇王宋。始脫恆蹊。以氣行則機杼大變。驅成語則光景一新。然而衣辭錦繡。布帛傷其無華。工謝雕幾。簾業呈其樸鑿。南渡以還。浮溪首倡野處。西山亦稱名集。渭南北海。並號高文。雖新格別成。而古意寢失。元之袁揭。冕弁一世。則又揚南宋餘波。非復三唐雅調也。載稽往古。統論斯文。日月以對待曜采。草木以錯比成華。玉十穀而皆雙。錦百兩而名匹。明堂芹藻。視畫績以成文。階屺笙鏞。聽鏗鉉而應節。自周以來。體格有殊。文章無異。若夫昌黎肇作。皇李從風。歐陽自興。蘇王繼軌。體既變而異。今文乃尊而稱古。綜其議論之作。並升荀孟之堂。核其敘事之辭。獨步馬班之室。拙目妄議。其紕繆儉。徒襲爲空疏。此沿子史之正流。循經傳以分軌也。考夫魏文典論。士衡賦文。摯虞析其流別。任昉溯其原起。莫不謹嚴體製。評隲才華。豈知古調已遙。矯枉或過。莫守彥和之論。易爲真氏之宗矣。我師烏程孫司馬。職參書鳳。心擅雕龍。綜覽萬篇。博稽千古。文人之能事。已攬其全。才士之用心。深窺其祕。王銍選話。惟紀兩宋。謝伋談塵。略有萬言。雖創體裁。未臻美備。況夫學如滄海。必沿委以討原。詞比鄧林。存揣本而達末。百家之雜編別集。盡得遺珠。七閣之祕笈奇書。更吹藜火。凡此評文之語。勒成講藝之書。四駢六儷。觀其會通。七曜五雲。考其沈博。而且體分十八。已括蕭劉。序首二篇。特標騷選。比青麗白。卿雲增繡黼之輝。刻羽流商。天籟遏笙簧之響。使非胸羅萬卷。安能具此襟期。即令下筆千言。未許臻茲醞釀也。元才困陋。質心好麗文。幸得師承。側聞緒論。妄執丹管而西行。願附驥尾。

而千里。固知廬王出於今時。流江河而不廢。子雲生於後世。懸日月而不刊者矣。

福謹案司馬孫公乃太平府同知名梅烏程進士丙午科房師也

葉氏廬墓詩文卷序

乾隆歲庚戌元與葉雲素先生繼相識于京師。蓋同出宋文正王文端二公門下也。先生學術深厚。貫通古今。至性過人。篤于實踐。執親之喪。疏食廬墓。其事見於汪稼門制府尺牘中。嘉慶歲辛未。先生子東卿以尺牘詩文卷屬序之。元嘗讀禮記曰。墟墓之間。未施哀於民而民哀。每歎斯言。以爲肫摯。況親喪斬然邱隴。未乾者乎。墟墓之間。情境非一。禮記所謂哀者。風聲月色。雪地霜天。實爲砭骨刺心。直發天性也。夕陽欲暝。樵牧歸散。麻衣不溫。孑然獨立。松柏翳其寒色。桑榆收其晚景。少焉風入林表。聲如遠濤。悲從中來。未有不濟焉出涕者矣。或若生魄之月。低至下春。樹影雜亂。露氣泫濕。徙倚俯仰。四無人聲。時有伏兔竄出淺草。或冀此時得聞太息。及其終不可見。夜已鄉曙。噉然以號。曷可言已。又若夜雪初曉。積素滿山。獨來墓門。埽數尺地。布藁而坐。微風振于木末。飛霰落于懷袖。寒晨霜重。策杖草逕。皚皚滿履。時撻棘刺。寒節有黯然而色。樂人有恍然之心。一身若朽。百念盡灰。先人邱邱敝廬丙舍。若將終焉可也。且夫熙攘之跡。馳驅之勞。人世所不能無也。苟爲流俗所染。境致乎炙熱。紛華之地。情靡於從風。迴憶家山阡墓間。

風霜雪月情境若此。未有不澹然慘然。自發其天性者也。以此言哀。哀何如之。嗚呼。彭殤雖達。非齊桑裡之物。閭廬可恬。奚叅蒲褐之坐。用我儒修。敷此禮說。二氏之誘。知不溺矣。

### 歷山銘

乾隆六十年。龍集單閼。七月庚戌朔。起居注日講官。文淵閣直閣事。詹事府詹事。提督山東學政。儀徵阮元。遊登歷山。勒銘樂石。其詞曰。

登彼翠微。堂基戴石。岱麓分陰。媿田啓陌。雷雨坐生。峯巒競碧。樓駕三重。崖懸百尺。繞牆虹落。穿閣雲飛。碑頭六代。松要十圍。岑苔籍屐。天花滿衣。磴隨客意。嵐成佛輝。下涌泉源。清交水木。湖平鏡揩。城迴帶曲。野氣沈邨。林煙隱屋。兩岫同秋。千塍共綠。平原似海。曉日開天。燕齊道直。蓬萊影圓。山棲壽佛。臺降飛仙。後之來者。亦百千年。

### 注曾子研銘

中四憲通六藝。省言行謹身世。測天員窮禮制。聖所傳賢勿替。

### 落日餘霞研銘

己未秋日。借邸于京師衍聖公賜第。退直後少得清暇。因銘研云。  
落日就暝。餘霞在天。蟬吟高樹。魚唼涼泉。蕉花垂露。竹葉含煙。羊鐙紈扇。几席清妍。

白圭詩館研銘

白圭之玷猶可磨斯言之玷不可譌

詩不可爲也爲讀若平秩南譌之譌譌化也

立行有玷更若何

水師正威大銅礮銘

赤堇之質黃金之色。瀆神脩貢。自交趾國。長羸兩尋。規圓繩直。嘉慶五年。天風蕩賊。斂而被焉。全其本德。歸正服逆。允宜厥職。駕海奔雷。萬鈞聲力。值發無虛。當堅必克。守我浙東。制彼遐域。元戎寶之。視茲銘刻。

官齋精舍銘

構茲精舍。三筵之地。銘於坐隅。所以自治。無欲乃澹。先明厥志。毋躁乃靜。道遠勉致。坐而共圖。行省之事。以此保民。以此計吏。虛己集益。委懷分寄。賢者守堅。能者耐勩。曰恕與忠。曰仁與義。不計其功。務正其誼。勿近于名。勿放于利。放利民傷。近名政僞。勿安于陋。勿舞其智。舞智必窮。安陋多蔽。勿懦而隨。勿激而肆。操勿迫蹙。寬勿廢墜。廉勿矯俗。居勿求備。士狹齒繁。情漓用匱。惟其太平。更難撫字。否毋諱疾。泰毋侈瑞。令煩愈擾。事鹽不綴。闕當速補。過戒終遂。平情持準。難說使器。中不逾情。庸不立異。心鎮常安。神清多識。制行實難。矢口則易。凡茲恆言。學焉未至。靜思自箴。靖共爾位。

寶鉢鐘銘

臣元受兩朝恩。侍從禁近。備官司徒。惟帝五年。歲在己未。命臣撫浙。臣辭。帝手詔曰。卿宜力任仔肩。爲朕

宣猷贊化。臣拜受命。撫浙三年。海澨未徹。風雨未穌。作器能銘。臣何有焉。惟帝八年春二月。丁酉初吉。越二十六日壬戌。臣父年七十。受祿于帝。封光祿大夫。敢作寶穌鐘。以應中春莢鐘之律。以勸眉壽。綰綽多福。以對揚天子不顯休命。阮氏子孫。其永寶用之。

刻扇鐘銘

惟帝八年春二月。丁酉初吉。越二十有六日壬戌。臣父年七十。受祿于帝。封光祿大夫。用作刻扇穌鐘。以應中春莢鐘之律。將命銅史金徒。連其甲子。司其商刻。而自擊之。嗶嗶離離。以勸眉壽。于無疆。以對揚天子不顯休命。阮氏子孫。其永寶用之。

警鐘銘

時至則鳴。鏘然而警。叫旦戒晨。雖夢亦醒。士稚雞聲。彥國圓枕。趨朝涖政。視此乃寢。

古穌鐘銘

惟嘉慶八年秋八月。浙江巡撫臣阮元。親帝于變。帝錫宴三。錫玉如意一。荷囊四。刀一。衣一襲。臂鹿戴蓋支之屬。臣元敢拜頤首。用對敷天子不顯休命。九月戊午。臣歸浙紀帝恩命。刊銘古穌鐘。永寶用之。

揚州隋文選樓銘

揚州隋文選樓巷。多見于宋王象之輿地紀勝等書。隋曹憲以文選學開之。唐李善等以注選繼之。非昭

明太子讀書處也。羅願鄂州集所謂文選巷。劉氏墨莊亦其地也。予之宅爲選巷舊址。嘉慶十年冬。遵先大夫遺志。于家廟西建隋文選樓。樓下爲廟之西塾。樓上祀隋祕書監曹憲。以唐沛王府參軍公孫羅。左拾遺魏模。模子度支郎景倩。崇賢館直學士李善。善子北海太守邕。句容處士許淹。配之。嘉慶十二年服除。乃爲銘曰。

文選樓巷。久著於揚。曹氏叔隋。李氏居唐。祥符以後。厥有墨莊。阮氏居之。廟祀江鄉。建隋選樓。用別于梁。棟充書秩。窗散芸香。刻銘片石。樹我山齋。

南宋尤本文選卷首畫象銘

蕭選曹注學傳揚州。貞觀之後。是有選樓。貴池宋本。桀板始尤。海內罕覩。數帙僅留。雷塘菴主。樓居邗溝。錦緘展校。綵櫝曬收。繪象卷首。一笠橫秋。

西瑯阿侍御摹坡公笠履圖贊

彼何人斯。既笠且履。偶然類君。誰主誰客。冒雨團團。衝泥策策。樓隔涼雲。山留遊跡。孰柱其冠。孰文其鳥。惟此笠履。於道大適。儻曰東坡。未異肥瘠。我屐欲蠟。與此同癖。細雨斜風。蒼苔白石。

方維祺太守以我觀我圖贊

大學修身。顏子克己。觀我之道。本爲儒理。易觀我生。无咎卽吉。豈無進退。道不敢失。



桂林隱山銘 并序

余生辰在正月廿日。近十餘年所駐之地。每於是日。效顧寧人謝客。獨往山寺。嘉慶廿四年。余歲五十有六。駐於桂林。是日策數騎避客于城西唐李渤所闢之隱山。登降周回。串行六洞。袁老讀碑。竟日始返。竊以爲此一日之隱也。爰作銘辭。刻於北洞。

士高能隱。山靜迺壽。濬之主名。闢此奇秀。一山盡空。六洞互透。不鑿自通。雖探莫究。穴無雨來。岩如天覆。虛腹開潭。垂乳滴溜。寒澈鏡奩。響傳壺漏。引月入峽。吸雲穿竇。磴曲風搏。泉清石漱。仰壁藤垂。摩碑苔繡。蓮憶古香。桂疑秋瘦。招隱巖前。朝陽洞右。涼堂北開。高亭東構。獨出春城。清遊晴晝。曉嵐入懷。夕陽滿袖。一日小隱。千年古岫。何人能復。西湖之舊。

隱山。唐在西湖中央。有荷有舟。境地更奇。今爲田矣。

宋硯銘

古人之硯古之式。用以經發守墨。凡事求是必以實。如石堅重效於國。

端溪璞石硯銘

荆山之璞。以爲良璧。易若不鑿之守。其黑于石。

粵溪茶坑天然大硯銘

粵溪之石。泐于往古。苔斑繡岑。松皮溜雨。磨爲巨硯。以鎮書府。書以銘之。雷塘弄主。

茶坑硯山銘

端溪片玉松煙所浴石壁留紅天池瀉綠澁浪低生纖雲橫東畫意詩情大擬一幅

端溪老岩研山銘

端溪一卷因其自然以爲硯山古鮮爛斑

西齋銘

西齋老圃似野人家無多離落少著桑麻硯惟墨守天有綠遮端巖列翠讓木分楹齋前有二木相讓井泉本爽階

水勿斜南雄有斜階水榻橫蒲席窗護葛紗鸚母咏稻鹿女踏花離枝摘荔引蔓絲瓜長匏扁豆素馨紫茄圍樊

觀槿欹廊養茶滌煩習靜存樸黜華學爲圃者忘在官衙

乾隆癸丑仲冬上丁祭曲阜孔廟文

於戲孔子傳道帝躬用治斯世斯道乃隆堯舜賢遠文軌大同帝敬孔子禮備儀崇幸魯釋奠講學臨雍教被瀛漠豈惟域中元奉帝命視學於東津逮洙泗仰止聖宮凜承時祭癸丑仲冬瞻俎習禮循牆慕恭宗廟旣入百官景從壇杏化雨庭檜古風簫鳴金石壁振絲桐兩楹之間三獻旣終轍無歎鳳室拜蹲龍神志雖肅精誠詎充聖道如天敢希格通惟聖之裔子孫其逢逢大也洪範勳句與從同爲韻惟聖之鄉多士質忠以元譴

爾秉鐸何功。聖人佑之。啓秀發蒙。斯文在茲。天下所宗。帝方籲俊。聖惟達聰。

祭天目山神文

天目兩山。作鎮杭湖。出雲降雨。匯于具區。惟吳淞口。入海尾閭。洞天福地。神明所都。雷輿電掣。龍起雲敷。開晦霽陰。風爲驅除。宜晴而晴。野無沮洳。宜雨而雨。嘆者立蘇。神功聖德。佑民非虛。近年數郡。水旱堪虞。田未豐稔。潦浸田廬。長吏省愆。政刑有渝。未能感召。致鮮嘉符。今致潔蠲。民隱上疏。香醴入山。牲帛載途。拜求靈佑。惠此越吳。蠶桑倍收。麥稻大餘。功佑聖世。恩及農夫。疆吏祈報。謹竭其愚。



# 孳經室四集詩目錄

卷一

己酉

雨後過瀛臺

家吾山少司寇癸生屬題裴園編修學浩勺湖草堂圖

庶常館聽寒柝

庚戌

崇效寺法源寺看花晚集楊荔裳撥舍人齋中

皇上萬壽恭進宗經徵壽說文冊

恩賜大緞恭紀一首

辛亥

御試賦得眼鏡

二月大考紀恩一首

同沈雲椒少宰初南書房散直賜貂裘恭紀

壬子

初秋同孫淵如星衍言皋雲朝標兩同年遊萬泉寺涼水河後數日招同沈雲椒少宰那東甫彥成同年再遊

牛欄山

密雲縣迎駕

癸丑

泉宗廟扈駕御園道中

芭蕉

灤陽道中

月夜過趙北口

兗州道中

發落卷

曲阜城東

甲寅

萊州試院曉寒

寒亭

登州雜詩

登州聽海濤聲

過黃縣

題秦二世琅邪臺石刻

泰山碧霞元君廟

瓶中碧蓮

雨後泛舟登隔波樓

山左學署八詠

小滄浪亭

明鐵太保祠

秋日同徐太守大榕至龍洞遂遊佛峪還憩壽聖院揭元豐順應侯碑

游上海棠秋日作花

靈巖山

同人登岱至對松山日暮而返

登嶧山

鄒縣謁孟廟晚宿孟博士第中

早行

卷二

乙卯

喜晤焦里堂循姊丈於東昌寄懷里中諸友自禹登山白雲峯東三里至佛峪

歷城白雲峯西北至錦屏巖憩壽聖院

壽聖院西南石壁上有龍洞出入里許

由龍洞巖下西過三龍潭十里至黑峪而返復至佛峪

寒食日長山縣道中雨

過臨淄縣齊侯墓



題江寧孫蓮水韶漢上舊遊詩後

海棠

木筆

萊州蜉蝣島

題海濱獨立圖

登蓬萊閣

過華不注山

小滄浪亭雅集和馬秋樂前輩履齋

五日濯纓橋小集遲馬秋樂前輩小疾不至以詩來卽和原韻

小滄浪亭

柬孫淵如同年

四照蓮

題何夢華元錫林外得碑圖

獨遊佛峪

爲新城王文簡公書立墓道碑

渡河

展母墓

敬題御賜惲壽平撫元人萬竿煙雨圖

敬題御賜惲壽平撫黃鶴山樵松崖翠壁圖

丙辰

嘉慶元年正月人日射鵠子於浙江學署之西園卽事聯句

題胡維君虔環山小隱圖

秦小峴觀察瀛招遊西湖晚謁表忠觀適錢裘山同年楷過訪未值有詩見投報以一律

渡錢塘江呈同舟諸友

梁湖道中

過謝氏東山

上虞縣

恭進授受禮成文冊蒙賜蟒袍一件荷包二對恭紀

會稽山謁大禹陵

女桑

曉雨後登吳山

五月二十一日曉登吳山雨霽復泛西湖

卽事

七夕

修暴書亭成

題錢可廬明經

大昭

蕉窗注雅圖

桂蕊

題董文敏摹趙文敏鵲華秋色圖

金井梧桐歌

湖州懷吳藺茨太守

丙辰重九登靈隱石笏峯

陳古華太守廷慶同爲桐江之遊至嚴州而返投詩贈別賦此爲報

和陳古華前輩桐廬道中韻

嚴州七里瀧漸江水

印泥

春夜江上聞角聯句

卷三

丁巳

桐廬九里洲梅花三萬餘樹侍親登岸遍遊奉命賦詩

金華夜泊

夜至永康縣

括蒼山雨歌示諸生端木國瑚等

題方溝厓薄所藏張南華鷗神雲溪圖卽用南華元韻

遊古永嘉石門觀瀑布

自麗水放舟至永嘉四首

將由溫州至台州過雁蕩前一日宿扶容村曉過四十九盤嶺至能仁寺

大龍湫歌

常雲峯

寄雁蕩

過馬鞍嶺

卽景

淨名寺蔬飯

試雁蕩山茶

登靈峯望五老靈芝諸峯

度謝公嶺望老僧巖

遊石梁洞

石門潭

出山宿大荆營

小窗

咏鐵拄杖

與興化顧藕怡仙根遊山卽題其詩稿一絕題謝侍御振定金焦夜遊圖

予在山左畜一馬甚駿及至浙不施鞍勒者輒浹旬日柔脆以死詩以惜之

題王蘭泉司寇昶三泖漁莊第七圖

張子白同年攜孳石翁畫至杭州展讀於定香亭上題詩記之

七月十一日同人過西湖晚泊湖心亭看月

海寧安瀾園雜詠

八月望後至海寧州登海塘觀潮

秋桑四首

題道場山歸雲菴孫太初墨跡卷後

謝蘊山前輩題蘇潭圖

題凌次仲教授延堪校禮圖

卷四

戊午

上元後一日春讌和謝蘇潭方伯韻二首

五更過蘇堤列炬中見桃柳正妍

半山桃花十餘里春仲偕人兩次來遊元和蔣蔣山徵詩武進陸祁生徵詩陸紹聞徵詩皆有圖詠

紀事因題冊中

上巳桐江修禊

溯嚴灘至蘭谿

金華試院宋自公堂後雙古柏

冒雨由縉雲趨麗水道出桃花交青黃龍諸嶺雲氣萬狀勝於晴時

山花

春盡日阻風青田和張子白同年若采詩韻

重遊青田石門觀瀑布

蕉林驟雨

溫州江中孤嶼謁文丞相祠

台州試院在城北龍顧山之麓有樓巍然名曰四照書榜懸之

由臨海至天台

國清寺

華頂茅篷

薄暮重過石梁

夜宿上方廣寺藏經樓

萬年寺題僧達本壁

天台山紀遊

竹兜詞和陸九耀遜

天台籐杖歌

遊山陰陶石簣讀書處水石洞

戊午五月二十六日靈鷲峯銷夏聯句

嘉慶三年西湖始建蘇公祠誌事

秋日任滿還朝同人餞於西湖竹閣賦詩誌別

贈吳鑑人曾貢

贈鮑以文廷博



贈朱朗齋文藻

贈何夢華元錫

贈何春渚祺

贈朱青湖彭

贈周樸齋治平

贈端木子森國瑚

題江子屏藩書窠圖卷

己未

會試闌中夜雨和石君師韻

恭和御製立秋日遣悶元韻

移竹

九月望裕陵禮成旋蹕復奉命敬閱山陵工程謹成八韻

趙忠毅公鐵如意歌

題宋高宗瑞應圖同彭芸楣館師作

題五代馬楚復溪州銅柱拓本

暖房示書之

武林歲暮

卷五

庚申

春日台州

庚申正月督兵海上往返天台未能入山

天台山大雪三日守凍剡溪

守凍

送趙介山文楷殿撰李墨莊鼎元舍人奉使冊封琉球

題孫淵如觀察萬卷歸裝圖

綠葉

題西湖第一樓

題徐碧堂司馬聯奎秋艇狎鷗圖二首

贈李西巖總鎮

附李壯烈答詩

上虞道中

天台行帳題楊補帆昌緒畫天台桃源圖

台州夜坐

初秋台州獲安南海寇事畢曉發回杭州

寫榜作

瀟園晚眺

仲冬詣天竺復過靈隱蔬飯冒雪登西湖第一樓

浙東賑災紀事

屬王椒畦同年畫珠湖草堂圖卽題

題王椒畦畫金華載詠樓圖

登八詠樓

卽事

桐廬九里洲看梅花四首

辛酉

賦得雷乃發聲

蘇隄春曉

二月十七日過皋亭山看桃花用六言律體

廿三日自海塘迴舟曉過皋亭復成一律

登鎮海招寶山閱新造水師大艦

臘月朔日入山祈雪出山過詒經精舍訪顧千里 廣圻臧在東 鋪堂用去年得雪詩韻

壬戌

曉至西溪祭社稷壇

海寧州迎潮

安瀾園小憩

自乍浦彩旗門觀海至秦駐山

題汪蛟門先生少壯三好圖

秋日西湖泛舟

駐杭州時每九月花奴自揚州載菊來奉

親宴爲寫秋江載菊圖題之四首

同人分詠古十印得劉淵之印

置西漢定陶鼎於焦山廕之以詩

浙撫署東偏誠本堂巨石嘉慶七年移立澹凝精舍方池中以予字字之曰雲臺峯用蘇黃壺中九

華倡和詩韻

卷六

癸亥

癸亥正月二十日四十生日避客往海塘用白香山四十歲白髮詩韻

澹凝精舍卽事

吳蜀師輒

與諸友分賦商周十三酒器爲堂上壽得商父丁角

爲朱椒堂爲彌題朱氏月潭八景圖冊八首

自題珠湖射鴨圖小像

澹凝精舍卽事

綠陰課詁經精舍擬作

澹凝精舍初夏

那東甫同年由廣東奉使過浙賦贈

飛霜鏡引

壬戌孟夏由靈隱徒步過韜光菴直上北高峯頂癸亥孟夏又至留題觀海畫卷

夏日過雲棲

西院平臺落成

虎邱後山小憩

沂州道中二首

曉過敖陽

羊流站

自新泰至泰安登岱夜宿孔子廟曉觀日出作

癸丑七月赴山東夜宿新城縣南今復以癸亥七月入都過此以一絕紀之

出古北口上親獲鹿於山莊得賜割鮮

過普陀宗乘須彌福壽二廟

萬樹園賜宴恭紀一首

中秋日山莊恩賜曲宴用唐王建詩韻

過青石梁用陳雲伯顧鄭鄉廷綸倡和詩韻

秋柳

題錢裴山同年使車紀勝圖

馬秋藥光祿用曹唐遊仙七律體爲古人贈答詩倣擬三首

珠湖草堂因洪湖汎濫屢在水中癸亥入覲過揚州尙無水患小住一夕分題八首

夜宿母墓

癸亥九月十九日與諸故友相聚於平山堂爲展重陽詩會卽以贈別

九月廿一日爲金焦之遊

重題秋江載菊圖卷二首

題桃花春浪渡江圖

冬至前澹凝精舍閒坐

甬江夜泊

題陳默齋參軍廣寧攤書圖三首

種園葵

冬至測晷

臘月十九日拜蘇公祠

立春日恩賜福字恭紀

卷七

甲子

題陳曼生種榆仙館圖

復與諸友分賦商周十三酒器爲堂上壽得周兕觥

春日漪園卽事

題秋平黃居士文暘淨因張道人因埽垢山房聯吟圖



朱右甫爲弼幕輯續鐘鼎款識作秋齋摹篆圖因作論鐘鼎文絕句十六首題之

由永康至縉雲

過桃花嶺

山花四首

觀青田石門洞天瀑布夜宿洞口

由溫州渡江至樂清

遊天台桐柏宮觀瓊臺雙闕

宿國清寺

雨中至高明寺

雨後至石梁觀瀑布上方廣寺

曉發石梁

萬年寺前古樹

山禽五首

回杭州

題牡丹巨蝶畫屏

桐花落白綿名曰桐綿咏之

晚過西湖

古之蘭乃澤蘭非今之蘭也種之階下并繪之

題畫扇三種花

八月十五闌中作用坡公八月十五催試官詩韻

附徐司馬聯聖和詩

試院煎茶用蘇公詩韻

題朱椒堂西冷話別圖

修西湖行宮畢奉安仁皇帝純皇帝龍牌恭紀

題和內子畫歲朝圖獻堂上韻

乙丑

安瀾園月中作

命海塘兵翦柳三千餘枝遍插西湖并令海防道以後每年添插千枝永爲公案

行賑湖州示官士

卷八

丁卯

辭雷塘墓菴

渡河

月夜拜滕文公廟

曲阜鐵山園贈衍聖公孔治山慶齡內弟

河間

定興曉發

渡漳沱

渡漳水望銅雀臺遺址

廣王右丞夷門歌

陳留懷古寄示二弟仲嘉亨子常生

大梁除夕

戊辰

答陸九耀通

大風霾登吹臺

過密縣

中嶽嵩高詩三首

嵩山三石闕歌

嵩陽隱居

大梁

嵩嶽歸步禱得春澤誌喜一首

臨淮關阻雨

戊辰五月辦賊至寧波爲前提督壯烈伯李忠毅公建昭忠祠哭祭之

初秋澹凝精舍小憩

題曲江亭圖

顧曹夔音摹趙松雪樂志論圖卷

拜岳鄂王廟

分詠歲寒雜物二首

將渡錢塘江夜宿六和塔院

姚江舟中除夕

庚申六月余乘風破安南寇船于台州獲其四總兵印銷之爲劍今八年矣戊辰冬復剿蔡牽于海上夜舟看劍寫詩劍匣

己巳

題何夢華上舍訪書圖

靈隱置書藏紀事

題趙忠毅公癸卯年自書詩卷後

蔣蔣邨學博炯請書厲樊榭徵君墓碑置祭田

八月十五日浙江提督邱公良功會福建提督王公得祿於寧波普陀洋十七日先追及蔡牽於台州魚山洋擊之十八日復會擊之於溫州黑水洋沈其船牽及其妻子皆死於海詩以誌慰題家藏漢延熹華嶽廟碑軸子

題北湖墓碑圖

貞觀金塗造象阿彌陀銅碑歌集翁覃溪先生齋中作

屠琴陽庶常俾將出爲縣令所寓京城米市胡同有古藤二株自繪圖卷索題

詠絮亭以畫冊寄索題

題朱野雲處士鶴年祭研圖

卷九

庚午

與諸表兄弟共建外祖榮祿公林氏祠堂於揚州陳家集天后宮側記事一首

己未借寓京師衍聖公邸曾栽竹三叢藤花兩本庚午再寓添栽槐柳海棠藥枝丁香并舊有古

槐榆椿棠穀共三十餘株記以一律授之館人

門生屠琴陽以翰林改宰儀徵翁覃溪先生倡詠餞送遂亦以詩贈行

綠樹

題內子綠靜軒圖

題陳受笙均十三鏡齋詩稿後

題陳迦陵先生填詞圖卷

題女蘿亭香影移梅詞意圖卷

昌運宮白皮松歌

覺生寺觀永樂大銅鐘

雨後遊萬柳堂

京師揚州會館第三層院中種竹百餘竿題其軒曰小竹西

新秋月夜

過瀛臺見秋荷盛開

辛未

唐花歌

秦小峴少司寇予告歸田餞之於萬柳堂卽題其城西草堂圖疊司寇和余萬柳堂四律韻  
二月十八日雪後獨遊萬柳堂題壁間元人雪景畫中

寒食日偕朱野雲遊萬柳堂夜宿寺中清明日復看花柳

上巳日萬柳堂同人小集看野雲處士栽柳和翁覃溪先生韻

野雲處士種柳萬柳堂自作圖卷屬題

與法梧門前輩式善同遊西山先過八里莊慈壽寺

渡桑乾河入西山登羅喉嶺

游潭柘山宿岫雲寺倚松閣

遊戒臺寺

戒臺寺古松

途中小雨

獨遊萬柳堂

辛未初秋移寓阜成門即平澤門內上岡新居有小園樹石之趣題壁四首

中秋小園鐙月

同野雲山人小園坐雨

昌運宮爲古道院白松七株虧蔽霜雪松下青苔平鋪竟地雨後來遊聞無人迹

研背坡公笮履像

聽福祐孔厚諸兒夜讀



王楷堂比部延和齋中七尺端溪大石硯歌  
種菜

題吳荷屋榮光登岱小照

題圖釋布曹學閔二公戒壇祠圖

題書之靜春居圖卷

壬申

小園初春

三月二十日駕幸南苑大閱恭紀

夜宿萬柳堂贈覺性開士和翁覃溪先生韻

小園雜詩

首夏奉使山西辦蒙古阿拉善鹽池事內子餞於小園率賦

過井陘關

太原晉祠

晉水

羣經室四集詩目錄

懸壺山

臺駘廟

聖母祠

古柏

貞觀晉祠銘

涼堂

曉涼

磁州滏泉道中

正定喜雨

小園

寄題焦里堂姊夫半九書塾八詠并示琥錫

中秋小園鐙月

出古北口四百里至木蘭園口

木蘭山口

初用眼鏡臨清舟中作

題張淥卿謝露華榭稿

拜汶上分水廟

仿鑄漢建初銅尺歌和翁覃溪先生

十二月十一日夜宿海州雲臺山東海營次日閱兵

過海州板浦弔凌次仲教授

卷十

癸酉

高郵雨後舟中歌

泊瓜洲督運自題江鄉籌運圖

題郭頻伽舉神廬圖卷

題蝶夢園圖卷用董思翁自書詩韻

遊淮陰柳衣園憶京寓蝶夢園

隋宮瓦

題柳徑停雲圖卷子三疊萬柳堂詩韻

緯代賑

重陽泊天津登芥園小樓

甲戌

春草軒詠春草寄仲嘉二弟

與王柳邨處士豫丁柏川觀察淮方靜也茂才士儻焦山僧借菴同立焦山書藏詩以紀事

賀翁覃谿先生重赴甲戌科恩榮宴

過珠湖草堂用自題射鴨圖舊韻二首

夜宿雷塘墓菴

曉發攝山

雨後過青陽五溪登望華亭看雲中九華山

九華憶古二絕

舟過小孤山

冬至日雪窗偶成

登滕王閣

詠十三金石文房

甲戌除夕接雷塘庵僧心平書詩以答之

乙亥

齊侯壘歌

伊墨卿太守 乘綬由閩赴都過南昌賦別

用余家瓜洲紅船爲式在南昌造船以爲救生諸事之用瓜洲船乘風歸去三日至瓜洲矣

夏夜雷雨題楚夜雨雷鐘銘宋搨本冊

夏夜

讀吳穀人前輩錫麒有正味齋續集卽用見寄原韻和寄

題雪窗圖卷用去年韻

丙子

正月八日立春游百花洲

春雨

百花洲春晴

百花洲課士作得花字

以沈檀爲勾股形筆筒嵌鏡於其弦處卽以爲硯屏照墨也刻詩代銘  
題金帶圍花開宴圖

將由豫章赴中州過廬山作

大梁丙子立冬後一日卽得雪四寸再疊雪窗圖韻

治大梁撫署後圃偶題

臘前三日將出都與野雲山人同宿萬柳堂覺性開士方丈曉行賦別  
十二月過趙州茶亭僧舍

丁丑

春日安陸道中題王鑑畫楚山清曉卷

彝陵峽口望蜀江

荊州懷古

泊調絃口

荆襄雜詩九首

竊園聽鶯

閱洞庭水師畢登岳陽樓

望君山

丁丑九月十一日謁南嶽廟遂登祝融峯頂

唐懷素綠天庵

遊浯溪讀唐中興頌用黃文節詩韻

過瀟湘合流處

自湖南零陵入廣西全州避雨宿湘山寺次日曉發

卷十一

丁丑

桂舟三章章四句

登沙角礮臺閱水師畢卽乘水師提督之兵船過零丁外洋看大嶺山望老萬山回澳門閱香山兵  
因題船額曰瀛舟

戊寅

初食荔枝

節樓前木芙蓉

詠玻璃窗

肇慶七星巖下校武望石硯山

伯玉亭節相寄示臨安平夷紀事詩書會二首

自梧州泝灘江經龍門劍窖之險

桂林微雪疊雪窗舊韻

桂林除夕憶雷塘庵僧心平

己卯

隱山三章章四句

八念八首

登桂林棲霞星巖隱山諸窟洞

桂林春望



桂館春夜初晴

憶江南春

送春日去桂林

柳州柳侯祠

龍賓道中

上林道中

由賓州至邕州過崑崙關觀狄武襄進兵處下橫州烏蠻大灘拜馬伏波將軍廟

嶺南荔支詞

賦得喜雨課兒擬作

夜宿清遠峽曉登峽山飛來寺

英德道中

度梅嶺

東林道中詠肩輿瓶中桂花

過淝水

鳳陽漲阻夜泊

宿趙北口

正大光明殿萬壽宴蒙恩親賜杯酒恭紀一首

渡淮有懷河北諸公

偕仲嘉宿甯塘庵樓

結蘇亭于木蘭院竹南古銀杏北

選樓蠟梅

偕張芝塘

維楨步過渡春橋小憩倚虹園

風雪夜行縱陽江

舟中望廬山

由南康入蠡澤

宗舫

梅嶺

文獻公祠看梅花

度梅嶺用前韻

庚辰

望遠鏡中望月歌

鸞羽歌

端州北岩綠硯石歌

桂林陳相國元孫繼昌中庚辰狀元且爲解會三元廣西蓮龔方伯有詩紀盛和韻一首

粵西平樂峽中

新秋夜行陽朔灘水上

庚辰嶺南除夕

辛巳

西齋待月

壬午

過合肥見陸廣文繼輅出示文集談杭州舊遊

壬午述職歸過珠湖草堂

及門陳雲伯文述爲江都令尹邀遊焦山作詩卽和雲伯韻時同遊者王柳邨僧借庵令尹之子裴

之柳邨之子屋余弟亨

西南風阻留住采石磯太白樓

大姑山阻風看月

落日放船好

大暑節坐滄江虹紅船由江都直達洪都江湖夏闊月明如畫或阻風太白樓下晝看青山夜臥皓月或乘風馬當山外夜濤澎湃俄頃百里紀以一律寫留船中

香稻米飯

大榕

述職後謁昌陵回粵七月度梅嶺再疊梅嶺舊韻一首

余撫浙江江西皆曾修建鄉闈號舍今督粵粵闈號舍七千六百餘間更湫隘皆改建寬大之秋兼撫印監臨鄉試書誌一律

# 擘經室四集詩卷一

琅嬛仙館詩略

己酉

雨後過瀛臺

淡虹殘雨壓飛埃。清蘂霏微霽色開。青鳥拂雲歸闥苑。白魚吹浪過蓬萊。神仙此日應同駐。車馬何人不暫回。半嚮金鼇橋上望。水南猶自轉輕雷。

家吾山少司寇

癸生屬題裴園編修學浩勺湖草堂圖

雲堞依春浦。長淮瀉古渠。輞川王氏宅。笠澤陸家廬。公本金閨彥。文探玉署儲。量才原有尺。衡命屢登車。彭澤歌歸去。天台賦遂初。湖波通一勺。書卷富三餘。賞雨宜茅屋。看花奉板輿。小山多桂樹。秋水足鱸魚。烟柳才藏塔。風蒲不礙漁。過橋開菡萏。繞舍種篳簹。陸屋東西住。陶樓上下居。燕泥春戶敞。螢火夜窗虛。祕笈人爭借。遺經我自疏。山東皆法鄭。河北盡師徐。詞賦傳司馬。春秋學仲舒。名猶傳藝苑。地不改經畬。詎意洪河決。旋教別墅淤。居人憂涸澤。之子歎沮洳。舊列門生籍。來應使者旟。瓣香心暗記。荒草手親鋤。葑沼疏鑿水。蘭堂曳佩裾。文翁新講室。尉氏古門閭。丙歲初經此。申年昔降予。竊驗學使賦。及拜侍郎裾。地剩三篙水。家餘萬軸書。竹林能免俗。把臂意何如。

庶常館聽寒柝

空街夜冷欲三更。閣閣何人相競鳴。靜掩蕭齋聞斷續。夢迴虛枕數分明。催殘月影低無色。敲碎霜華落有聲。明日早朝清漏急。車中聽到紫微城。

庚戌

崇效寺法源寺看花晚集楊荔裳樊舍人齋中

匆匆春事月已三。看花幾度來城南。城南草杜曲復曲。按記兩處尋伽藍。入門嘉樹生衆綠。柳絲榆莢桑可蠶。粥魚茶板寂無響。珠宮琳宇深潭潭。雜花園殿作香界。一瓣不著飛龍龕。丁香細乳結瑣碎。棠棣弱榦垂繚繚。何如三丈海棠樹。千枝萬葉相交參。前度看花值紅雨。小苞溼透臙脂含。今朝穠極色反淡。鉛華爛漫春光酣。祇林奇卉我未識。毋乃此是優鉢曇。惜難十日花下臥。不及蜂蝶時時探。夕陽門外散金影。歸來小巷同停驂。元規有塵拂扇落。但以嘯詠生清談。我雖不解酒中味。一杯目飲知其甘。春鐙垂燼街鼓疊。欲去不去情猶耽。相約更待鼠姑放。借閒再訪枯禪庵。

皇上萬壽恭進宗經徵壽說文冊恩賜大緞恭紀一首

敬脩符典贊皇唐。采段承恩出尚方。豈有高詞繪天日。猥蒙華袞被文章。絲綸曉奉金門詔。經緯親歸玉尺量。共拜瀛臺鸞輅下。拂衣已染御爐香。

辛亥

御試賦得眼鏡

得他字五言八韻  
大考一等一名

引鏡能明眼。玻璃試拭磨。佳名傳黷黷。雅製出歐羅。窺戶穿雙月。臨池滿一波。連環圓可解。合璧薄相磋。玉鑑呈豪穎。晶盤辨指螺。風中塵可障。花下霧非訛。眸瞭寧須此。瞳重不恃他。聖人原未御。目力壽徵多。

二月大考紀恩一首

乞假方期省故園

上年冬。請假旋里。省親。掌院阿公以大考將近不允。

敢期親擢冠詞垣。

元卷本第二。上親擢置一等第一。

曾將一冊邀宸賞。

上年冬。上閱元所進宗經徵壽說文。

冊蒙特

賜衣緞。更幸連篇被御論。

元大考詩疏中。字句上。一覽記之。舉以獎論。

備尹青宮堂有範。

向來大考編檢陞任學士。已爲最優。元蒙恩更擢少詹事。

值班西殿室皆溫。蒙恩

旨在懋勤殿南書房行走。微臣何以殫心力。始答生成曠代恩。

同沈雲椒少宰初南書房散直

紫垣散直半斜陽。殘暑迎秋尚未涼。待得上車風氣透。東華門外晚荷香。

賜貂裘恭紀

垂問衣貂未。頒裘到從官。恩真同顧復。臣本最清寒。著雪趨金殿。含香下玉欄。歸來面慈父。持共采衣看。

壬子

初秋同孫淵如星衍言皋雲朝標同年遊萬泉寺涼水河後數日招同沈雲椒少宰那東甫彥成同年再遊

鳳城南去鳳泉頭。尋得招提一再遊。潦後苔萍留野岸。雨餘禾黍壯平疇。三叉小逕依村轉。九曲清溪抱寺流。兩日不來風色老。最宜秋亦不禁秋。

蓼花蘆葉自縱橫。車馬何曾此處行。重到游蹤皆一轍。數人心跡總雙清。濯纓臨水歌相和。拄笏看山眼倍明。我本忘情學機事。灌園許聽桔槔聲。

三月垂楊六月荷。半年惜未此經過。門前高樹西風早。橋外野塘秋意多。遠色蕭森歸別業。詩心淡定對頭陀。誰知九陌黃塵外。自有清涼十里河。

望裏清光有所思。湖山非敢憶尊絲。詩人會處須乘暇。游子歸時未有期。野性消磨天趣少。吟懷荒落夕陽知。晚來倚馬茶亭外。一段高情讀斷碑。

牛欄山

小山徑數里。靈蹟連牛欄。輪蹄歷磊砢。頑石圓如磐。雜樹夾崖口。木葉聲初乾。迤邐入山腹。宛轉拓地寬。人煙成小市。氣聚無風寒。出山攬山勢。卑扈且墮巒。一綫白狼河。入塞清流湍。衝沙走東麓。崖澳相鉤盤。



順流望潞河。北漕趨白檀。夕陽自今古。駐馬爲盤桓。

密雲縣迎駕

重邑據形勢。庠廩接白檀。山分通塞遠。水急刷沙寒。輦道依紅樹。舟梁護碧欄。天顏初日霽。共喜聖躬安。

癸丑

泉宗廟扈駕

維皇邁德澤。甘雨滿郊原。曉晴雲尚漬。夏首綠初繁。東勾柳成谷。西雉稻名村。泉響蛤猶吠。露涼蟬未喧。宮槐交翠蓋。堤草藉龍軒。青嶂契宸賞。黃屋瞻崇尊。敷筵坐臨水。賜食共銜恩。清醴度雙闕。于此鏡心源。

御園道中

雲淡星爭出。風微月有波。五更殘雨歇。四野嫩涼多。溼氣歸林薄。清香發黍禾。行行天欲曙。休問夜如何。

芭蕉

閑心寥落依草木。手種芭蕉數葉長。讀畫略同抽卷軸。煮茶聊與鬪旗槍。簾櫳微隔綠逾淨。風雨不來心亦涼。何況昨宵聽淅瀝。小窗藤枕復匡牀。

灤陽道中

初陽照千峯。向背分晦顯。雲霞忽建標。嵐碧色已淺。山村起炊煙。輕風任舒卷。沙泉聲自清。露草光猶泫。

策馬循迴溪。崖谷迷宛轉。舉首望日輪。東西始可辨。

月夜過趙北口

燕南殘暑淡星河。爲避秋炎月夜過。露草清香蟲語細。水楊疎影馬蹄多。三更蟹舍明簾火。十里虹橋壓鏡波。豈有公孫能避世。太行西去隔滹沱。

兗州道中

平田泉水自成渠。村口秋林日影疎。著我肩輿安穩過。半看黃葉半看書。

發落卷

積案盈箱又幾千。此中容易損華年。明珠有淚拋何處。黃葉無聲落可憐。冷傍青氈猶剩墨。照殘紅燭已銷煙。那堪多少飄零意。爲爾臨風一惘然。

曲阜城東

庫門東去意蒼茫。泗水西流向夕陽。陵上白雲留少皞。地中黃土認空桑。策書字在郊麟死。鐘鼓聲銷海鳥藏。過客未談三古事。莫教先賦魯靈光。

魯庫門以大庭氏庫得名他國無之

甲寅

萊州試院曉寒

渤澥陽和尚未回。曉聞昕鼓發輕雷。山風入院旆初動。潮氣滿城關未開。昨夜清樽思北海。何人博議似東萊。此時頗讓江南客。官閣春深落古梅。

寒亭

五千年下讀遺經。灘水橋東馬暫停。海右無如此間古。樹尋亭北有寒亭。

登州雜詩十首

轍睡分圖遠。萊牟鑿境通。山高饒怪石。海闊有長風。鹵地魚鹽薄。沙田黍稷豐。我來千里外。小住一城東。鎖院浹旬久。驚寒衣轉加。地東天早曙。春遠樹遲花。夜雨逢三月。雲濤落萬家。成連渺何處。寒水滿平沙。三面瀛洲水。舟行繞岸回。風波休轉漕。斥堠必登臺。漁戶編船住。番夷納賚來。去年英吉利。受吏過蓬萊。城闕通帆船。滄濤壓女牆。旌旗風裏壯。鼓角地中藏。秋汎丹崖險。春耕竹島長。晚潮人散後。飛鳥上樓航。桑田言本幻。日主祀無名。人到之罘鳥。雞鳴不夜城。秦碑湮舊迹。漢使失回程。當日求仙處。皆從蜃市行。

凡史記載秦漢求仙之處。今皆有蜃市。蓋方士所藉以惑人者。

冠山森傑閣。吐氣接洪濤。曉戶宜賓日。低簷可避風。謂避風亭。捲環連碧玉。磨鏡出青銅。何處攜東海。坡公一袖中。

南洋趨楚越。北岸接遼關。小賈輕航海。餘丁出墾山。人家挂綰羽。時節望刀環。略有唐風儉。惟留歲晚閒。山川饒毓秀。風土亦能寒。春女皆稠髮。鄉民愛素冠。比居千戶靜。近市一街寬。見說民稀訟。清閒是長官。俗樸難挑達。衣衿相與青。何人同獻賦。有士始橫經。古歎才難得。今求地有靈。當年施與宋。風雅總飄零。人歇新耕後。閒情在小邨。雨煙送歸路。花柳發春園。石壁支茅屋。蔬田結枳樊。轉慚行客過。車馬一時喧。

登州聽海濤聲

海雨溼土。春初晴。海雲自北趨南行。風來渤海暮轉急。吹落萬派驚濤聲。初疑驅車來遠道。輪雷欲動遲而輕。後如閉閣伏虛枕。簷前凍雨千條傾。或是汝南馬旋磨。否則試院煎茶鎗。相視不語共歛聽。出戶仰首巡南榮。天空晝靜日將落。頗有鹵氣來山城。城頭雉列屋鱗次。其中直作波浪鳴。丹崖田戍近三里。長流迴洑聞縱橫。日行北陸海底暖。潛陽蒸起龍蛟鯨。灌聲騰沸島嶼振。夕汐淘汰沙石清。洋洋一洗耳底淨。心體虛豁無凡情。人生不俗卽仙骨。豈有大藥真長生。更待夏仲望岱嶽。遠收青色歸雙晴。耳目至此歎觀止。或令聾聵開聰明。

過黃縣

風軟平田不動塵。柳梯麥甲總宜人。行過百里東萊路。來看黃腫雨後春。

題秦二世琅邪臺石刻

我求秦石刻。若秦之求仙。求仙不可得。石刻終難湮。岱石經火燬。嶧石徒再鐫。之罘墮入海。海水滯爲淵。愈哉琅邪臺。椎築何殷填。黔首三萬戶。金石三千年。石高丈五尺。怪鐵鍊精堅。剝落盡三面。小篆留西偏。披羅復剔繡。拓紙鳴槌斲。我來讀詔頌。載籍合馬遷。臣斯臣去疾。穆德名並傳。筆力入石理。玉柱勁且圓。點畫說偏旁。益知叔重賢。所惜頌與詩。變化隨雲煙。倉父磨粗沙。俗字鑄長天。餘此十三行。斯璽誠可憐。特立石鼓後。屹峙五鳳先。海風吹不倒。流徙悲斤權。蘇公頗好事。模刻城臺前。亦惟八十字。文款本未全。每見宋元碣。殘暴如廢輒。乃以羸氏物。存者猶歸然。豈有鬼神護。而免列缺鞭。誠因麻石性。余所見秦及西漢碑皆麻石。故歲久無磨研。得此足以豪。神發忘食眠。更思寄同好。南北翁孫錢。謂覃溪閣學淵如比部辛楣宮詹。

泰山碧霞元君廟

元君唐代宅。帝女巽宮封。向背分齊魯。高明冠岱宗。萬山階下小。雙曜殿前逢。斗柄迴霄極。霞標建日春。銅瓚棲翡翠。藻井倒芙蓉。恍惚堂生樹。精誠牖見松。臨軒增地厚。卷幔發天容。帔接星文動。裳垂水繡礧。洪河衣帶闊。滄海鏡花鎔。挽洗盆疑壺。開關闕並嵩。玉華留宋璽。豪迹失秦峯。木德原宜穀。神功盡在農。棗梨香稅歇。鐙火夜梯重。綰鎖登先早。循牆走獨恭。翠微寒氣積。赤綴午光濃。試拜生雲石。應飛降雨龍。私懷零饋志。敢接向禽蹤。明日云亭路。難聞上界鐘。

瓶中碧蓮

帶得明湖水氣清。牕前兩日碧雲橫。粉衣零落青房小。研水簾風一段情。

雨後泛舟登匯波樓

急雨纔過水上樓。門前齊解木蘭舟。垂楊小屋菰蒲岸。不聽涼蟬已覺秋。  
湖裏荷花百頃田。溼香如霧綠如天。會須盡翦青蘆葉。頓放花光到客船。  
就樹營巢湖上家。鰲魚小釣水三叉。南豐祠下無人到。籬落閒開木槿花。  
鵲華清翠近城多。十里泉田足稻荷。樓外斜陽秋色早。更從何處覓鷗波。

山左學署八詠

落日城頭晚。東風泉上春。湖光復山色。齊向倚欄人。四照樓

落落橋上人。泔泔橋下水。顧影獨整冠。清歌懷孺子。濯纓橋

鳥浴蘭花外。魚跳窗影中。滄江臥米叟。畫舫記歐公。小石帆亭

十丈赤珊瑚。紅泉入鏡湖。輞川圖畫裏。惟解種茱萸。滌棠

岱雲一片白。風雨雕玲瓏。落地化爲玉。朗朗對裴公。玉玲瓏

臺迴煙波闊。檐虛夕照閒。寒鐘靜無語。霜氣滿秋山。

樓鐘

西軒石如菌。松杉得甘露。恐有仙人來。采與東坡去。

石芝

吉金與樂石。齊魯甲天下。積之一室中。證釋手親寫。

積古齋

小滄浪亭在鐵公祠旁。與學署近隔一湖。其後軒元題爲水木明瑟。用水經注語也。夏秋間。每泛舟過之。茶竈書牀。流連竟日。較之春秋行迹。頗分勞逸。

小港西軒外。扁舟北渚涯。百弓開柳岸。六柱泛蘆葦。獨往常無約。高情或有儕。李公休皂蓋。杜子屢青鞋。橋約圍栽葦。亭門窄縛柴。軒窗商啓閉。几席合安排。蒼茗然雙鼎。攤書占一齋。寫碑金石錄。題字水松牌。檻曲看盤鶴。牆陰認篆螭。舊詩猶在竹。午夢閒依槐。起對山鬢擁。閒臨天鏡揩。嵐光遙接案。波影上平階。巖屋小於匣。池魚細似釵。濠梁多古意。泉石滿秋懷。拄笏西風爽。寧簾夕照佳。新涼流玉宇。暮色動銀淮。月露收園鑰。輪蹄憶箭鞍。江湖浪遊跡。襟抱未全乖。

### 明鐵太保祠

易謁金陵兩難櫻。歷下鋒兵戈驅石佛。風雨挫真龍。死願先平保。功甘讓盛庸。明湖舊祠外。秋水薦芙蓉。秋日同徐太守大榕至龍洞。遂遊佛峪。還至龍洞。穿洞出。小憩壽聖院。揭元豐順應侯碑。

錦屏巖下扣禪關。林汲泉頭看水還。得路卻隨支遁馬。迎人都是范寬山。碑陽帶墨摹官勅。洞裏然燈照佛顏。既欲狂遊須盡興。城中難得一朝閒。

游上海棠秋日作花

春深行部失花期。不見殘紅下歷陂。葉底西風闌外雨。泥人猶放兩三枝。

靈巖山

山谷通靈氣。伽藍出世情。辟支孤塔影。卓錫古泉聲。松間何年種。碑題過客名。憮然念塵迹。翠壁白雲橫。同人登岱至。對松山日暮而返。

未及上翠微。暫攬松山勝。嵌巖置修除。綠壁起盤磴。拂衣千仞上。闌危不可凭。峯高多夕陰。天半風初勁。坐我萬松間。蒼翠互相競。白雲橫不流。中有新寒凝。林壑媚幽姿。泉石動清聽。已忘世人情。羨彼飛鳥性。

登嶧山

絡繹羣山勢。茲山定一尊。

元謂蒙嶧二山。皆以占象得名。尚書所謂曰蒙曰嶧也。爾雅曰。屬者釋說文作壘。

排天雲作嶂。入地石連根。魯柝邾相近。秦碑

魏不存。

秦碑爲北魏主所仆。杜少陵云。孤障秦碑在者。誤也。

祇今遊攬處。不必到書門。

嶧山秦刻石處名書門。

鄒縣謁孟廟晚宿孟博士第中



霸王代謝百年間。夫子風塵又轍環。若使靈臺開晉國。豈能秦石上鄒山。遺書賴有邠卿校。古廟惟餘博士閒。今夜斷機堂外住。主人鐙火照松關。

早行

戒道雞聲歇。炊煙起孤村。寒林無戀葉。隨鳥下平原。平原多枯草。繁霜被其根。鳥來無所食。還向空巢翻。村中有老農。曉起抱諸孫。傳聞達官過。策杖倚蓬門。屋西積草廩。屋東延朝暾。布衣木棉厚。顏色有餘溫。懸知爾室中。尚有升斗存。



# 擘經室四集詩卷二

乙卯

喜晤焦里堂循姊丈於東昌寄懷里中諸友

光嶽樓前見里堂，執襟一一問江鄉。十年舊雨兼新雨，幾處青楊間白楊。

用南史何遜事。

元白州鄰曾共卜，庚周

肥瘠各勝常。累君同作風塵客，敢詠冰心寄洛陽。

自禹登山白雲峯東三里至佛峪

茲山何崑崙，神禹之所登。東行入虛谷，泉石媚清激。側徑臨深谿，馬足猶兢兢。午嶂屯春陽，陰厓積素冰。石無附土樹，壁有緣隙籐。雲護巖上佛，泉養廚中僧。何當看秋瀑，濺落山三層。巨流曳紳帶，細溜垂絛繩。靈臺出其上，衆勢歸馮凌。我情亦遐舉，振翻隨花鷹。

歷城白雲峯西北至錦屏巖憩壽聖院

靈湫住天龍，談禪闢初地。但見元豐碑，破屋已古意。繞階漱清泠，壓簷積蒼翠。泉急石丸轉，雲過松花墜。前峯不可梯，高鳥懼其翅。誰爲造孤塔，中使金仙睡。後峯如太華，巨靈擘爲二。誰爲駕飛梁，鐫彼摩崖字。古人具精力，恥作尋常事。否則慙如僧，碌碌老荒寺。

壽聖院西南石壁上有龍洞出入里許

神龍抉壁入，破壁復飛去。龍去壁已穿，介然用成路。當門立大佛，乍見心疑怖。石泐面如削，曾向夢中遇。  
前夕夢石人無面，今所見同。過此入深隧，秉燭遂暗度。俯行尻益高，相呼不相顧。一隙忽生明，目開夜嚮曙。不知出何山，

奇險更難步。手中得葛蘿，足下生松樹。蜿蜒攫爪痕，是我題名處。

由龍洞巖下西過三龍潭十里至黑峪而返

三龍潭峽口，如防復如堂。千丈屹相對，古色交青黃。其下狹數尺，亂石毆羣羊。短衣雙不借，眼底無康莊。路窮逕仍達，地暢崖復當。水消尚存迹，日午已韜光。陰森料山鬼，蒼莽防奔狼。有客獨結廬，無乃非人鄉。十里暮始返，華岫月微茫。城關明燭火，春漏聽三商。

復至佛峪

潤草迴新綠，巖松發古春。泉銷三月雪，佛現六朝身。馬足熟知路，僧寮閒可鄰。誰知城裏客，常作入山人。

寒食日長山縣道中雨

風雨近清明，蕭蕭過驛程。烟橫林影斷，青遠麥田平。行部三春事，思鄉十載情。雷塘今日路，知復是陰晴。

過臨淄縣齊侯墓

畢竟仍存土，一抔邱明晏子兩春秋。可憐上古無書籍，何處青山葬爽鳩。

題江寧孫蓮水韶漢上舊遊詩後

扁舟無那漢皋迴。詩向樊川刻意裁。交甫何期珠佩解。牧之曾見紫雲來。恐因極樂能消福。如此多情祇爲才。欲洗胸中愁萬斛。試翻春海到蓬萊。

海棠

星娥海上曉妝時。洗盡鉛華世不知。今日清明花下坐。滿天靈雨落胭脂。

木筆

一樹臨風四照開。白雲晴日麗蓬萊。欲知花頂春多少。更與仙人上玉臺。

萊州蜉蝣島

山根走入海。出海更成山。一碧揩銅鏡。孤青擁鈿鬟。潮生春蟄起。月黑夜珠還。誰復能齊物。蜉蝣天地間。

題海濱獨立圖

山根入海海連天。著我臨崖思渺然。同是蒼茫千古意。不知生後與生前。

登蓬萊閣

下見滄溟上絳霄。城頭一閣獨超超。天能包括鯨波靜。日有光華蜃氣銷。島外帆移千里目。坐中人壯午時潮。曾遊山海東經內。鄺注江河總寂寥。

過華不注山

兩年山下記行蹤。秀澤單椒磴百重。南渡濟流初起嶽。北離岱麓獨成峯。三周人與車聲遠。九月秋如畫色濃。不是明湖開曉鏡。鄂跼誰照碧芙蓉。

小滄浪亭雅集和馬秋藥前輩 覆

北渚離塵鞅。明湖浸翠微。濠梁宜客性。山水願人歸。樂趣莊逢惠。吟情孟與韋。孤亭復虛榭。徙倚意無違。每有論文暇。遊懷相與偕。豪華非絳帳。蹤跡共青鞋。軟草平侵路。圓荷半帖階。隨時齊物理。生也亦無涯。

五日濯纓橋小集。遲馬秋藥前輩。小疾不至。以詩來。卽和原韻。

灤泉涌地出。城裏流汗漫。吾家散衙處。汨汨穿葭蘼。此境雖荒率。頗受冷士盼。魚依橋影聚。鶴應人聲喚。遲客獨不來。坐久風荷亂。小疾居灤源。詩情隔湖岸。今日當薰浴。未有綵絲絆。求炙及鸚鵡。好音在芹泮。我用銅艾虎。持同梁鏡看。

是日出梁太平元年五月丙午日鏡。並元延祐元年銅艾虎。鎮紙爲玩。

諸生各成詩。願就君改判。我有石菖蒲。連絡根不

斷。鑿鑿見清水。蓬萊白石彈。節物無好句。坡公應知歎。落日池上飲。賴有顏與段。

謂顏運生。段赤亭。

展讀所得碑。石

墨光燦燦。

小滄浪亭

獨泛滄浪平底船。軒窗面面葉田田。風光誰許平分得。人與池心四照蓮。

池中碧蓮一枝。四心分出。因以名之。

小艇穿池不礙花。種花人住艇爲家。教收荷葉三霄露。供我瓷甌午後茶。  
筆牀書篋向池攤。池上荷花高過欄。搭起烏篷遮午日。一雙銀蒜壓青竿。  
北渚紅橋結笠亭。蕉衫紈扇此消停。夕陽若爲人間立。留照湖山半角青。  
蟬歇殘聲綠樹間。霞痕山影共闌珊。微風吹動金波色。月在東南箕斗間。  
我向滄浪獨立時。五更露氣到清池。城頭落月輕黃色。多少鴛鴦睡不知。

東孫淵如同年。時初任兗沂曹道。尙未至山東。

濟南亭館傍湖開。湖上秋風且漫催。萬朵荷花五名士。一時齊望使君來。  
池中碧蓮一枝。四花共蒂。花各三心。因名曰四照蓮。諸客觀者皆有詩。  
五人謂馬秋藥。桂未谷。武廬谷。顏衡齋。朱朗齋。

一枝折向水晶盤。十二蓮心共一攢。儘有花光酬坐客。不妨樽酒合圍看。

題何夢華元錫林外得碑圖

孔林牆外夕陽明。永壽碑酬訪古情。我後何君來曲阜。手摩殘字得烹平。

癸丑冬。元至曲阜。適黃小松之訪碑人。以見漢隸殘石來告。元亟命掘昇至觀。

院。手刻其文。乃嘉平二年石也。

獨遊佛峪

山深易覺秋。一雨衆秋足。西風吹涼雲。蕭然出空谷。寒花隱荒蔓。疎葉下林木。久坐依盤陀。泉石交耳目。雖未攜琴樽。情賞轉幽獨。

爲新城王文簡公書立墓道碑

先生墓道在山阿。兩載輶軒伏軾過。司 聲 李吾鄉推大雅。皋陶從古善賡歌。翰林風月誰能似。齊魯聲華近若何。多恐此碑容易泐。未如詩卷不消磨。

渡河

水色開眉宇。縹緲拂箭袍。西風新雁起。落日大河高。斷岸立千尺。歸帆輕一毛。安能用舟楫。全代馬蹄勞。

展母墓

嚴霜阻寸草。鑿風撼長樹。哀哉我慈親。竟向此間住。慈親昔愛我。一日欲百顧。欲及我之冠。欲畢我之娶。教我讀古書。教我練世務。哀哉皆未及。竟忍舍我去。五年守里門。幸得依墳墓。十年爲帝臣。未踏雷塘路。年年寒食節。悲酸向誰語。今年奉命歸。歸祭叨異數。蹢躅北郊外。一蹙欲十步。哀哉我慈親。長年竟此處。繞隴亂叫號。迷惑竟無據。直欲抉土開。呼母應而寤。回寤終不能。白日黯已暮。簡書矢靡鹽。料此難久駐。更悲去家後。寒暑尙三度。北林多雨雪。西風吹霧露。夕陽散樵牧。夜月竄狐兔。而我居官齋。錦稻雜然御。斯志期無忝。安敢計溫飫。惟有勞國事。聊以酬悲慕。



敬題御賜揮壽平樞元人萬竿烟雨圖

雨山雲欲流，奔泉出其麓。沙石餘青蒼，潤氣滿林竹。御園依玉泉，龍籟森如束。每因扈蹕遊，得以豁塵目。癸丑銜使命，濟灤踐行轂。城西習遊處，秣簞蓋泉屋。乙卯冬至浙，小住西湖曲。三里五里中，盡是質簪谷。置臣於此中，天意不令俗。慨然思有斐，何以瞻淇澳。雪餘冰署清，石渠畫共讀。分題得此君，烟雨五尺幅。灑然襟帶清，穆若鬚眉綠。人間與天上，領取臣皆足。

敬題御賜揮壽平樞黃鶴山樵松崖翠壁圖

南田逸趣勝盧敖，自寫閑身上小舸。壁臥斷溪飛翠影，松含清吹落輕濤。綸竿舊狎烟波老，翰墨今懸祕閣高。臣愧不如柯敬仲，漫叨恩賜獎微勞。

丙辰

嘉慶元年正月人日射鵲子於浙江學署之西園卽事聯句

虛庭開春首。西琴胡廷祿修竹挂日脚。子白張若采朋盍盡素心。庚泉林道源射鵲興可託。鵲

鼓音微轉。中之程贊和射鵲二字今北音讀如時鼓時射韻非錯。對棚借梅列。定甫江安量步破苔薄。西十北十符。里堂左个右个作。護

鮑籍之茅。伯元阮元當箭懸以幕。加幅委髯奴。西琴設侯用文韞。尺壁肉倍好。子白大泉輪滿郭。五花疊陣圓。庚泉兩

儀換九躡。星緯各成天。中月望不留魄。紅點嵌星星。定白辜園嶢嶢。圖圖雜元黃。里紛紛披範青。攬者竹

象父。伯元。絙之秣爲索。敦弓我既張。西琴。鳴鏑匠復削。志傳爾雅名。子白。臍射道成惡。渾沌破七竅。庚里。相攘出六

鑿。講譜法深穩。中之。時湘園封君年六十三。射法最精細。編須人豐鑠。胡西琴先生年七十八。鬚長。慮弦拂。編辨乃射。飲決看誰先。定甫。袒衣云盍各。燥溼擬重輕。

堂。里陰晴變今昨。特力挽取強。伯元。敢遠立反卻。心摹飛衛神。西琴。笑勝投壺樂。竿將一一吹。子白。淵遂深深拓。是

謫者叱者。庚泉。亦翩若矯若。吻厲驚飢鷹。中之。翰飛聽匪驚。旁人不及瞬。定甫。喝者或曰著。叩鳴善于問。里堂。響應

真如諾。投石散水暈。伯元。擲彈碎花萼。儼絲貫于針。西琴。若鎖投以鑰。其衷將直取。子白。他心竟能度。虛中窺穀

縣。庚泉。無極存匡廓。或挈貳壘雙。中之。或連參斷繳。或四鑲井儀。定甫。或五兩綰落。或觸植顛墮。里堂。或維綱綰綽。

揚或隼出塵。伯元。抑或蛇赴壑。止或陷區臾。西琴。斜或拂枝格。拙每成獨笑。子白。巧翻致衆愕。既徹待獲旌。庚泉。乃

飲無算爵。功力相箴規。中之。得失互嘲諢。雖藝近乎道。定甫。此禮其猶醺。當風醒薄醒。里堂。臨池度曲約。餘情看

洗馬。伯元。畫者更盤礴。西琴。時封君作洗馬圖。

題胡維君虔環山小隱圖

環山學人愛著書。經術密矣生計疎。慨然載書出山去。江湖一舸塗五車。烏乎有山不能居。無山欲買願更虛。君不見山中老農不識字。一生溷跡樵與漁。

秦小峴觀察。招遊西湖。晚謁表忠觀。適錢裴山同年。楷過訪未值。有詩見投。報以一律。

天使浮雲自往還。春晴喜借一舟閒。共舒中禁鐙前日。來看西湖雨後山。元與小峴裴山在中禁時五鼓卽案筆相見。吾輩冠裳烟水上。君家祠宇竹松間。好將千首新題句。都就詩人仔細刪。新得諸生表忠觀落成詩千餘首。

渡錢塘江呈同舟諸友

虎跑泉頭列騎迴。六和塔下布帆催。纔當春日江心暖。知有風潮海上來。隔岸峯巒青已到。同舟賓客興初開。古人縱愛山陰道。不抵諸公酷愛才。

梁湖道中

屈曲梁湖水。舟行亂過橋。山深皆有路。浪靜不通潮。暮色浮松頂。清香動麥苗。謝公吟賞處。蹤迹祇漁樵。

過謝氏東山

雲水東山春放船。謝公裙屐憶當年。蒼生寄托傷溫浩。青史功名冠石元。捫蝨有人知唳鶴。圍棋無暇笑投鞭。始疑殘壘今何處。惟聽風泉似管弦。

上虞縣

曲水平穿岸。長林綠壓垣。石橋多似路。山縣小於園。白舫依官渡。紅梯倚戍墩。劇憐溪谷裏。考績尙稱繁。恭進授受禮。成文冊。得旨云。措詞典雅。尙爲得體。賜蟒袍一件。荷包二對。恭紀。

樞密傳優詔。微臣被寵褒。雙荷聯賜袋。九蟒繡宮袍。德似日難繪。恩如天更高。趨庭雖戲采。戀闕欲簪豪。會稽山謁大禹陵

會稽巨鎮東南雄。宛委巒嶂摩青空。文命之陵據呂墨。朝衣九拜揚春風。典謨有字遷有紀。豈假弱筆陳豐功。惟思禹德在於儉。無間再歎世折衷。山川主名遍天下。此山不載禹貢中。揚州城廣漸海表。刊定未紀夷與戎。東教躬勞遂道死。參耕壘畝封葛桐。陵者墓。陵澤。蒼梧之野將毋同。豈如後人詭且侈。沙邱還至咸陽宮。子元誕妄太白陋。亂引汲竹疑重瞳。夏家天下子亦聖。曷爲薄塋於越東。試以吾言問二子。無稽之說將立窮。我拜既畢題窆石。白雲滿穴春陽紅。帝之瑞應氣郁郁。神所出入光熊熊。重黎受命地天絕。惟有陵鎮猶相通。

女桑

婀娜春風裏。柔桑已拂稊。曾經纖手種。剛與一肩齊。綠影初勝翦。青園未上梯。閑閑在何處。猶隔小牆西。曉雨後登吳山

足下峯齊列，雲中日未生。萬家殘夢歇，五月曉寒輕。草木宜山氣，江湖納雨聲。若非登眺遠，空自臥嚴城。

五月二十一日曉登吳山，有晴意，復泛舟入西湖，遂大霽。  
破曉登吳山，來風力尚微。扁舟入西湖，冷然吹我衣。西北雙峯高，雨氣猶霏霏。東南倚山郭，隱隱明朝暉。颯然長風至，與波相因依。初日忽激灩，敗雲自翻飛。柔櫓劃清朗，照見山四圍。江湖卑溼氣，廓然空所歸。歸來日未午，園林地漸晞。撫我壁上琴，燥氣生金徽。

卽事

虛亭風氣接清池，銷夏情懷懶正宜。一泝芙蓉三逕竹，兩箱金石半牀詩。修書最樂刊成後，望雨翻驚響到時。更待晚晴看洗馬，蕉林蝙蝠拂簷遲。

七夕

碧霄雲淨露華清，靈匹迎涼渡已成。河絡漸從西角轉，月弓將近半弦明。農桑本是人間事，兒女猶關天上情。蒨屋夜深珠戶曉，一般秋影看縱橫。

修書書亭成題之

久與垞南訂舊盟，江湖蹤跡髮星星。六旬歸築三間屋，萬卷修成一部經。繡鴨灘頭秋芋熟，落駟步外古槐青。笛漁早死雙孫老，誰暴遺書向此亭。

題錢可廬明經大昭蕉窗注雅圖

錢君磊磊古丈夫。治經亦復箋蟲魚。解字九千分部居。字字剖出光明珠。更肆精力及其餘。稚讓廣雅釋且疏。唐宋以後此學羸。有如蹊逕生榛蕪。吳氏棗板猶模倣。坐令文字多齟齬。錢君一一爲杞梳。旁達衆說通經郛。此學吾見王石臞。與君同歸而殊途。蕉窗在屋西北隅。是卽錢君之可廬。臨風把卷吾愛吾。輾然一笑何軒渠。畫師吮筆爲寫圖。綠天曾與錢君俱。玲石一卷蕉三株。中有鬚鬢蒼而腴。蕉之爲物雅所無。稚讓所學在漢書。列傳嘗解馬相如。埤蒼傳至曹江都。選學欲問曹公徒。江都曹憲有廣雅音。李善得曹憲之傳。試注子虛之巴苴。芭蕉始見于上林賦。列子蕉鹿之蕉讀爲樛。卽說文之蕉非芭蕉也。

桂榮

叢桂將花又一年。淮南同是早涼天。小山露白人初隱。羣木秋高月未圓。濃意半生含雨後。清陰都在試香前。誰來金粟林中坐。不到聞時是妙禪。

題董文敏摹趙文敏離華秋色圖

離華秋色圖。趙吳興爲周草窗所作也。草窗本濟南歷城人。所居在離華兩山之間。其祖時遷居吳興弁山之陽。故自號弁陽老人。同時張句曲雨亦爲此圖。鷗波圖元曾見之。句曲圖不可見。惟

見其題句于自書詩冊。鷗波圖舊爲董思翁所藏。思翁摹之不止一本。元今所藏。乃思翁癸卯年所摹。帶水長林。浮煙遠岫。草窗松雪。風韻雙清。吳興山水。本以清遠移人。然濟南據岱嶽之北。七十二泉隨地涌出。匯爲明湖。澄鮮淳澈。萬荷競發。流出城北。潏洄于華不注前。每當秋林初晴。橫雲斷麓。正如此圖畫中矣。元兩年歷下。復到吳興。思翁此幀。常懸行館。單椒秀澤。尙愛此山看不足也。

思翁本是江南客。老與吳興鬪風格。一卷分從舊墨林。自染青山上生帛。歷下青山有誰華。山前原是草窗家。吳興清遠家何處。碧浪秋蘋自作花。道人同住鷗波裏。爲畫齊州好山水。秋色山光尺幅中。西風鄉思千餘里。我曾兩載按齊州。湖裏荷花水上樓。七十二泉流不盡。青煙兩點誰華秋。離華山色真奇絕。畫意詩情不能說。螺黛濃描京兆眉。劍鋒碧削昆吾鐵。白雲如帶截林鋪。雲外單椒翠影孤。若愁難到雙峯下。試看華亭此幅圖。華亭妙筆朝朝見。壁上雙峯壓吳練。我今攜畫到吳興。惟有秋山大如弁。何事老人居弁陽。純鱸想亦感香光。驅父展看何時足。又上城南古道場。

### 金井梧桐歌

老鳳夜啄青琅玕。露華飛溼金井闌。美人倚瑟愁不彈。碧紗如水生夜寒。夜寒缺月下金井。玉繩斜繞銀牀冷。井波無聲澀修綆。秋風搖動梧桐影。館娃酒醒扶頭歸。促管繁箏燭十圍。卻下繡簾遮不住。棲鴉驚

向隔林飛。

湖州懷吳蘭茨太守

碧浪湖中書畫船。道場清遠著吟鞭。愛看山色經千遍。爲采蘋花住七年。郡志頗詳名宦事。鄉人新錄舊詩篇。口碑畢竟江關在。費鳳雙趺共渺然。墨妙亭費鳳二碑久佚其字見韻中

丙辰重九。邀同孔幼髯丈廣林。陳古華前輩廷慶。徐惕菴農部大榕。何夢華上舍元錫。陳無軒廣文倬。登靈隱石筍峯。和古華九言詩韻。

城中風雨騷屑不我容。相約來登湖上之高峯。江山湖海向我共磊落。安能苦吟寒菊花蒙茸。前輩豪興較我更十倍。先使研中硬語除纖穢。近來塵疴不藥而自愈。惟覺高秋爽氣來相逢。憶昔策馬秋過華不注。徐君與我健足皆無筇。直穿百丈石壁龍洞出。巖下餘客瑟縮不敢從。又曾登岱題字摩崖下。籃輿出入動與雲霞衝。其時正值九月上弦後。足底羅列萬朵青芙蓉。卽今石筍峯前樹奇絕。焉比對松巖外之長松。諸君有未遊者有遊者。終當繼此禽向雙高蹤。歸舟狂興入詩亦入酒。西山峯影競落深盃濃。回看白雲橫斷共登處。高樓百尺合臥陳元龍。

陳古華太守同爲桐江之遊。至嚴州而返。投詩贈別。賦此爲報。

錢塘江上秋潮生。送我直到桐廬城。七里瀧中秋水落。留我卸驅瀧口泊。列戟危檣二十枝。夜深燈火驚



溪壑過船。賓客銜深盃。水雲昏黑。詩情頽。天明夢醒入瀧口。兩山直夾蓬窗來。面山阻水絕無路。多恐前舟誤行去。山迴水折路忽通。舵樓已失才行處。吁嗟此水何時通。松雲石壁開鴻濛。客星斂曜臥不起。坐令列宿全其功。出瀧盡行七十里。賴有清風半颿耳。兩行翡翠敞疎巖。十頃玻璃滿平水。此時秋氣壓生紙。謝沈刻意荆關喜。辰州太守尤清狂。出門兩月詩滿囊。三泖鱸魚不下箸。野船偏買纖鱗嘗。野船雖好不可住。別我吳淞江上去。明日乘風我上灘。百里飄分睡初寤。他年記取分帆處。嚴州城外桐溪渡。

和陳古華前輩延慶桐廬道中韻

桐江水色與雲同。兩岸青山接碧空。山逐江流無斷續。雲分山勢各西東。風颿二百里真速。日影未申時更紅。況是羣賢共秋色。半歸畫裏半詩中。

新安江東過嚴州。建德城外入七里瀧。卽水經注所言漸江是也。別有穀水出衢州西安。至蘭谿縣。金華諸水。又自南來會之。東至建德。與新安江合流入瀧。水經注所誤以漸江穀水爲浙江者也。余兩駐嚴州。以一律紀之。

幾番鼓棹下嚴州。秋雨春風滿驛樓。江合雙流爭入峽。山盤千疊竟通舟。天教清氣歸吳越。地走靈躡出女牛。獨有客星來大澤。高臺終古一羊裘。

印泥

玻璃窗暖書盈榻。晶盤玉碗花甕合。刀圭輕撥印泥開。一勺芳脂浸紅蠟。秦家玉鈕漢金龜。五色泥封天上詞。溼抹紅沙翻繆篆。未知佳製創何時。宋人抹印猶調水。誰鍊丹青落繡紙。銀綬三年艾吐綿。箭鋒九轉硃飛紫。雲笈真沙蘇合油。銷凝暑日又經秋。珊瑚枝共明珠碎。琥珀花同桂屑投。象牙縷字輕銅刻。花乳燈光闢新式。譜上朱文揭兩京。烏絲闌壓燕支色。讀書鈴詩露寶光。卷中磊落扇頭香。若無研北花南趣。肘後綸金空自黃。

春夜江上聞角聯句

一江花月換邊愁。

此鉛山蔣修隅知廉句也。春夜偶談及此共補成之。

頓覺蒼茫滿客舟。

林道源庚泉。

南國春情多在夢。古人心事重防秋。

雲

詩中我已驚吹鬢。

庚泉。

城上誰能獨倚樓。半夜潮生風獵獵。

蔣徵蔚蔣山。

壯懷銷盡爲清游。

庚泉。



